

庆湖遗老诗集九卷拾遗  
一卷后集补遗一卷

宋贺铸撰

明谢氏小草斋抄本

二册

A100  
8466

慶湖遺老詩集序

慶湖遺老者越人賀鑄方回也賀本慶氏后稷之稟  
太白始居吳至王僚遇公子光之禍王子慶忌挺身  
奔衛妻子迸度淞水隱會稽上越人哀之予湖澤之  
田俾擅其利表其族曰慶氏名其田曰慶湖今為鏡  
湖傳訛也漢孝安帝時避帝本生諱改賀氏水亦號  
賀家湖焉家牒載謝承會稽先賢傳叙略如此唐代  
既頒勳格百家圖譜併為煨燧元和中林寶集著姓  
纂臆謂賀氏慶封之後非是按封劫專齊政田氏患  
之聚三族甲環其宮而夷其族封僅身免走魯遷吳

卒被屠戮安有遺種哉吾家持會稽一族他州之賀  
蓋賀蘭賀若賀跋賀婁賀魯賀葛賀賴賀述賀兒賀  
略孤吐賀諸姓省馬鑄十五代祖廼祕書外監之從  
祖弟諱知止少味老易躬耕不仕開元末興崇玄學  
本道三以道舉薦送不赴會有聞於朝者起家拜上  
虞丞秩滿試任城令時李翰林白寓遊是邑與公相  
從於詩酒間謨其美政書公堂之壁後入饒詩石今  
或存焉久之遷陽穀令卒官民懷其惠遮留喪車不  
得時發因權寔縣之北原三孤即壠為廬免喪按安  
史之亂縣又改隸東平尋為李正己巢據之寢用非  
法游民浮房禁不聽還伯仲定居陽穀俾季陰歸會  
稽以持先業皆力田自潔不復為仕宦計季實吾祖  
也歲一北走省展存歿且自誓約生雖居死當祔骨  
先壠之次逮七世孫遵約不墜後屬董昌盜越民罹  
其毒因棄業北遷合族焉國朝緣外戚賜第開封隆  
和里六代祖廣平王始別葬於浚儀固子陂之原高  
門平州府君受命北征即誥其冢嗣曰吾家本慶氏  
昔王子嘗寓于衛而子必以舊氏名之吾死必封樹  
衛郊示不忘本府君竟死事朔野魯門以哀毀廢于  
家但名其子而重誥之天聖初大門摠北道垆牧之

正遂卜府君之新阡於衛屬邑共城東原仍徙贛馬  
行先志也鑄少有狂疾且暮外監之為人顧遺址已  
久嘗以址宗狂客自况今寢老且疾念歸何時而墮  
更舊稱者亦首丘之義耳鑄生於皇祐壬辰始七齡  
蒙先子專授五七言聲律日以章句自課迄元祐戊  
辰中間蓋半甲子凡著之藁者何啻五六千篇前此  
率三數年一閱故藁為妄作也即投諸煬竈灰滅後  
已者屢矣年髮過壯志氣日衰落吟諷雖夙所嗜亦  
頗厭調聲儷句之煩計後日所賦益寡而未必工於  
前念前日之爨燼為妄棄也始裒拾其餘而繕寫之  
後八年僅得成集以雜言轉韻不拘古律者為歌行  
第一卷以聲近義古五字結句者為古體詩第二第  
三第四卷以聲從唐律五字結句者為近體五言第  
五卷以聲從唐律七字結句者為近體長句第六第  
七卷以不拘古律五字二韻者為五言絕句第八卷  
以聲從唐律七字二韻者為七言絕句第九卷隨篇  
叙其歲月與所賦之地者異時開卷回想陳迹喟然  
而嘆莞爾而笑猶足以起予狂也儻夢境幻身未遽  
壞滅嗣有所賦斷自己卯歲列為後集云丙子子月  
庚戌江夏寶泉監阿堵齋序

慶湖遺老詩集目錄

第一卷 歌行

業臺歌

黃樓歌

彭城三詠

漁歌

江南曲

三鳥詠

東華馬上

廣四愁寄李諶

舟次金陵寄王掾

贈道士蹇拱辰

艤舟秦淮訪侍其瑀

寄墨贈楊時

留別僧訥

留別道士許自然

贈趙滂

留別田晝

調劉生

答靳生

亡女哀辭

老鶴嘆

送王尉赴武康

送周守還朝

送僧還吳興

答許景亮

贈僧孚

送章邦傑移家包山

題漢陽招亭

晚出江城聞角

寄漢陽趙尉

送武庠歸隱終南

送王掾還海陵

玉鈞環歌

南樓歌送慎守還朝

題潘氏亦顏

第二卷

古體上

故鄣

喜雨

老槐

過鼉掾

春行

對酒

閑情二首

題巫山圖

詛蚊

燭蛾

病暑

暑夜

問內

食芡實

烹雞嘆

題華陽公主碑陰

題蘭陵王碑陰

邯鄲郡樓晚望

答杜仲觀登業臺

冬夜遇直

送武

欽宗廟諱

之安陽

寄杜邨邨

訪周沆郭忱

除夜嘆

寄杜仲觀

遊雲龍張氏山居

登黃樓懷蘇眉山

秋懷二首

燕子樓

快哉亭

飛鴻亭

登快哉亭

讀李益詩

田園樂

此日足可惜

部兵之狄丘

遊南臺

夏夜懷寄傳道

第三卷

古體中

和張謀父遊石佛山 夜行鄒縣道中遇雨

行路難

送寇元弼王文舉

人生七十稀

和杜仲觀清字詩二首

送李主簿四首

擬獨杵擣衣

擬夜中不能寐

擬寒宵嘆

遊雍丘燕溪

擬王少伯新興

送陳傳道之下邳

東畿舟居阻雪

留侯廟下作

遊靈壁蘭皋園

題王輅故居清軒

遊金陵雨花臺

宿法惠寺

題香社寺湯泉

宿慧日寺

懷寄王閑叟

腰疼山浮圖下作

登柏子岡懷寄泉師

歷陽十詠

第四卷 古體下

三山

望夫石

題烏江湯泉

罷官有期寄朋好

檣舟秦淮

金山遊

望焦山

金山夜集招米芾不至

留別黃材

題無心菴

和錢德循寓懷

題安上人北軒

感庭棗

送趙子億之官滄洲

夏夜雨晴遣懷

寄題名嘉亭

遊盱眙南山

訓別杜輿

留別龜山白老

題棲雲庵

寄題周氏濂溪草堂

送周壽西上

題陶靖節集後

補感遇詩

黃鶴樓

鸚鵡洲

懷寄周元翁十首

題鄭判官直節亭

題潘大臨東軒

送陳令移官吳郡

和潘邠老漢上屬目



第五卷 近體五言

雨餘晚望

自訟

待曉朝謁天慶

送李易初還汶陽

重送

春書

擬溫飛卿

快哉亭寓目二首

題張氏白雲庄

賦得枕上聞雁

和人遊白雲庄二首

早夏

辭酒

送陳傳道攝官進溝

遊滕縣時氏園亭

自鄆還徐道中

早發王村道中

暮投葛墟馬上

汴渠夜泊

舟次宋城

京居感興

玉津晚歸馬上

西城有懷

苦竹村南馬上

題諸葛祺田家壁

訓桂林從叔

寄趙令芑

懷寄潘孝本

送張商老

題烏江鄧氏亭

懷潘景仁

宿田家

遊真如寺

之香林馬上

題丘氏歲寒亭

送左瑀赴江夏尉

高望道中

湯泉道中

留別王掾

棧舟當利口寄朋遊

重別王掾

秦淮夜泊

懷寄王掾

投宿清源寺

遊草堂寺

訓別彥上人

易官後呈交舊

懷王掾

廣津門東馬上

久病寄親友

秋夜聞雨晨興偶書

謝米元章見過

留別米雍丘

寶應野泊

題淨名齋寄米元章

龜山晚泊

舟居卧病寄和上人

泊臨淮懷杜修撰

舟發金陵望歷陽作

江行寫望

郎官湖

題寶泉官舍壁

江夏寓興

寄潘邠老

送陳主簿歸越

送金壇慎令

寄題杜子師草堂

第六卷

近體七言上

懷金明池遊賞

贈張士元

雨晴西郊寓目

寄周文清

寄王岐

和谷鄭郎中見寄

和田君義詠堂

和田錄事新燕

冠氏縣齋書事

冠氏寺居書懷

題張氏放鶴亭

九日登戲馬臺

九日呈李成父

題南臺寺蘇公詩後

春懷

登快哉亭有屬

和王生悼歌人

送客還馬上

送陳傳道攝雙溝戍

送周主簿移黃令

寄題李偉官舍東齋

病後登快哉亭

送李錄事謝病南歸

留別李智父

答陳傳道

懷寄寇元弼

招寇元弼

答王文舉

題淵明軒

將發彭城

留別張謀父

留別寇應之

邂逅周元通贈別

寄題陳氏步雲亭

題永城縣園水亭

寓泊永城招李深

送畢彥祖之京師

將發永城留題李氏

京居春日遣懷

送趙令時之官陳州

懷李易初

訓令率惠墨

簡李公年

尋王荆公陳迹

答孫休

春懷

送潘景仁之官嶺外

宿清涼寺

答王拙見寄

第七卷 近體七言下

寄別僧芝

寄白雲庵主

追懷從禽之樂

懷京都遊好

晚望懷故園

望金陵作

烏江東鄉往來馬上

送潘瑤移令歸東魯

再送潘仲寶

九日懷京都舊遊

戲答張商老

題定山寺壁

汎江訪別曹解

懷曹夢得

宿芥塘佛祠

送畢平仲

廣聖寺虛樂亭

烏江北道中

烏江汎舟

夜泊黃泥潭

槩舟當利港

放舟下江寄王元胥

渡江懷寄二友

訪王閑叟不遇留別

題金陵長干寺塔

題天慶觀鍾阜軒

再酬訥師

阻風白鷺洲招訥

晚泊長蘆有懷

上巳晚泊龜山

揚州叙遊

和錢德循書懷

席上呈德循

上元有懷

送周元通昆仲官蜀

夢遊金陵設堂故基

寄和上人二首

寄李趙二友

呈李之儀

贈張之才

病歸山陰酬別交舊

舟次淮陰呈邑令

高郵舟居對雪

留別王景通二首

舟次廣陵懷寄交舊

茱萸灣晚泊

題杜仲觀遺編後

第八卷

絕句

五言

六言附

感興六首

懷寄寇元弼十首

重經舊遊

六言

題画扇二首

六言

答陳傳道五首

擬詠安仁得果

和王文舉王臺體

夢後聞蛩

寒宵嘆

春晚樓上

和別館初夏

和秋日十詠

和悒、悠、二首

長安在何許二首

寄懷和上人二首

梅花寄和上人

送僧西上

懷寄彭城朋好十首

和錢德循古意二首

送王樞出鎮鄭圃八首

題海陵寓舍二首

追和古黃生曲三首

京居感興五首

和郎官湖懷古五首

江夏八詠

變竹枝詞九首

題畫卷後二首 六言

第九卷 絕句 七言

清燕堂

北園初夏

秋風登城樓

初見白髮

局中歸

野步

和四特田家詞四首

西城馬上

再遊西城

東城送客

魏城東

懷寄馮惟逸

懷寄杜邯鄲

僧居對雨二首

再涉南羅渡

金堤客舍望南樂城

過被水民居二首

離冠氏道中

冬夜懷寄周郭

病告中谷王錡見招

槎舟廣津門外

晚泊會亭

題承天寺竹軒

揚柳枝詞二首

憇永城王氏園

分題寄陳傳道

周村驛觀吳公題

九日答張謀父見招

九日張謀父席上

發斜溝寄王有元

泊舟寄京都朋遊

題陳伯雋蒙軒

京居暮春感興二首

春夜對月

遊夷門資福佛祠園

卯醉口號

汴下晚歸

陳留道中

過曹氏園

和人傷春

重賦京居暮春感興

送人朝饗裕陵

登興國寺樓

李氏池上

遊莊嚴寺園

黃埭魏氏見江亭

題贈芥堂老僧

茅塘馬上

阻風小孤山晚晴

題漢陽寓舍老桑

秋江晚望

和吳連夫留題

題詩卷後

目錄終

慶湖遺老詩集卷第一



歌行三十九首

叢臺歌

按邯鄲縣譜叢臺趙武靈王築起地

三百尺今故址猶十仞在縣中東北隅元豐辛

酉七月同邑令濮人杜儼仲觀登杜先有此詩

要余同賦

累土三百尺流火二千年  
人生物數不相待摧頽故  
址秋風前武靈舊壘今安在  
秃樹無陰困樵采玉簫  
金鏡未銷沉幾見耕夫到  
城賣者不見叢臺全盛時  
綺羅成市遊春暉一從凋  
輦閉荒草蕭散行雲無復

歸韶鬼想像風流在晴華露蔓猶依稀盤紆棘逕撩  
人衣禾黍晚成貉貉肥層簷碧瓦碎平地夢作鴛鴦  
相伴飛登臨弔古將語誰城郭人民今是非指君看  
取故時物南有清流西翠微彷徨華表不忍去豈獨  
遼東丁令威

黃樓歌熙寧丁巳河決白馬東注齊宋之野豈  
城南控呂梁水匯城下深三丈七尺太守眉山  
蘓公軾先詔調禁旅發公廩完城堞具舟楫拯  
溺療飢民不告病增築子城之東門樓冠其上  
名之曰黃取土勝水之義樓成水退因合醮以  
落坐客三十人皆文武知名士明年春蘓公移  
守吳興是冬謫居黃岡後五年轉徙汝海余因  
賦此以道徐人之思甲子仲冬豈城作

君不見熙寧丁巳秋靈平未塞河橫流澶漫勢欲浮  
東州斯人坐有為魚憂當時賢守維蘓侯厭術不取  
三犀牛跨城岩堯起黃樓五行相推土勝水罌龜作龜  
驚走鞭箠三丈渾流安清泚南來船車鷁銜尾使君  
登覽興如何舞劍吟箋賓從多水平照影見鴈下山  
空谷響聞漁歌樓下汀洲長芳草一麾南出豈門道  
昨日春遊詠白蘋後夜秋風悲鵬鳥黃岡汝海心悠



我青衫白髮多塵埃采菱伎女今何在騎竹兒童望  
不來望不來碧雲明月長徘徊

彭城三咏 元豐甲子余與彭城張仲連謀父

東萊寇昌朝元弼彭城陳師仲傳道臨城王適  
子立宋城王肱文舉采徐方陳迹分詠之余得  
戲馬臺斬蛇澤歌風臺三題即賦焉戲馬臺在  
郡城之南斬蛇澤在豐縣西二十里歌風臺在  
沛縣郭中

秦蛇已中斷劉項方龍戰叱咤沮風雲睚眦走霆電  
鴻溝一畫天地開楚王洗劍東歸來新都形勝控淮  
泗籠山絡谷營高臺重腫登覽何為者不知招賢知  
戲馬上如激矢下投九蘭筋霜腕便平回盤半夜悲  
歌雕不逝明日陰陵行踏雞豚北三千歸漢關粟豆  
充聞蠹縣官君不見華山之陽古坳牧春風吹草丰  
丰綠

右戲馬臺歌

君不聞泗濱亭長送徒如咸陽徒夫懷歸多道亡澤  
中置酒飲相訣吾亦從此奔芒碭陰風蕭蕭導者懼  
前有脩蛇怒橫踏酒酣拔劍肯留行割斷蜿蜒不回  
顧河明月出人踵來彼媼何冤號且哀謂遭赤帝屠

廣濟集 卷一  
吾子語竟莫知安在哉真人聞此自心許茫茫四海  
吾其主虎變龍飛十二年截項梟英蓋狐鼠半夜雄  
鏗飛上天幾見長陵一杯土

右斬蛇澤歌

漢祖高風百尺臺千年客土生蒿萊何窮人事水東  
去如故地形山四來江淮猶沸鯨鯢血八十一車枉  
歸轍白叟逢迎皆故人牢酒歡呼惜將別嶠澗迢迢  
非我鄉歟生此地何能忘酒闌鳴笳動雲物青衿見  
曹隨抑揚爾時可無股肱良端思猛士守四方君不  
聞淮陰就縛何慨慷平解道烏盡良弓藏

右歌風臺詞

漁歌 甲子十二月張謀父陳傳道王子立會  
于彭城東禪佛祠分漁樵農牧四題以代酒令

余賦漁歌

嚴公桐江上呂父清渭濱出處兩能事寥々乎若人  
擁蓑芒笠吳儂子身偶一竿生寄水侯苞富饌美鱗  
鱸寸鬣分鱗辱刀機吾將一釣懸十捷笑倚扶桑不  
計年鯤鯨懷餌脫相得坐使東南飫食鮮

江南曲 乙丑三月彭城分題得江南曲

遊倡蹇杜若別浦鴛鴦落向晚鯉魚風客櫓 泊

當時桃葉是新聲千載長餘隔水情烏衣巷裏人誰  
在白鷺洲邊草自生

三鳥詠 元祐戊辰三月之官歷陽石磧戌日  
從事于田野間始聞提壺竹雞子規三鳥其聲  
殊感人因賦之以寄京東朋好

綠野帶江春漠漠露濕花蔦朝暮薄年芳婉婉欲辭  
人啼鳥殷勤勸行樂提壺真起予十千美酒當騰沽  
金龜寶象家所無持底可過黃公壚調官東來今幾  
日謂有公田宜種秫朝廷未除私釀律安得一試焦  
革術提壺鳥嘆吾與爾皆悠々君不見長安兩市多  
高樓大書酒旆招貴遊脫聞提壺鳴樹頭論槽買甕  
更平獻醕庶幾以聲知所投胡為南鄉長滯留端使  
北宗狂客羞

右提壺引

東南澤國陂塘闊早歲少逢晴五月田間盡喜雨冥  
々竹下雞啼泥滑々而予不耕陂下田田臯驅馬揮  
長鞭稍勝微茫絕復連如躡鏡面流鮫涎植啼沮洳  
不敢前何暇顧惜青蓮乾竹雞烏汝幸飛翔羅罽外  
安知此嗟吁可畏雄雌更鳴方自慰稔汝不能言意  
為對君不見日圍赫々是長安大明宮闕開雲端雞

慶湖集 卷一  
人唱漏辰三刻左右相君朝謁還前騶誰敢干後乘  
不可攀飄飄青蓋望已遠綠槐陰下沙隄閑長隄千  
步沙漫漫風不驚塵雨亦乾君能馳騫以其所何事  
江鄉行跡難

右竹雞詞

長江靡迤山坡迤旅竹荒松蒙蒿蘿蠶初眠起風日  
暖梅弄黃時烟雨多山間有徑行逶迤倦客據鞍生  
睡魔奈爾思歸啼鳥何子規鳥不如歸去好誰家西  
北晨高樓幾為王孫怨芳草子規憐爾解歸飛我獨  
何心長不歸十年迹絕蘓門道夢裏舊遊知是非一  
官竊食官倉米十口之家飽而已金印錦衣耀閭里  
少年以心今老矣問舍求田從此始

右子規行

東華馬上懷寄清涼和公兼簡社中王拙居士  
東華在歷陽郡北八十里隔江與金陵相直王  
字開叟已巳十月賦

雞鳴統五鼓驅馬東華踏月落潮上時雲披日生處  
搖一漁艇子挂席凌江去送目思悠悠橫槩聊一賦  
鴻雁南飛江北流亭一雙塔是昇州前朝物色今何  
見白鷺平沙接石頭石頭城上清涼國中有彌天大

慶湖集 卷一  
比丘右軍遠孫傲時者巾鉢久從蓮社遊吾亦明年  
及瓜代一庵見寄外何求

廣西愁寄李諲 李字智父時為白馬從事庚

午七月歷陽賦

夜如何其夜未央斗星燦兮河蒼涼微月入牖窺曲  
房候蟲刺促鳴我床離憂歛來煎人腸夜如何其夜  
何長綠琴在薦兮擬楚奏之沈湘朱弦濕露兮聲戾  
指而不揚屏琴浩歌兮屑涕泗之浪々我有所思兮  
在河之陽優而不見兮裏難拜忘駉驥騰躍兮鴻鵠  
翱翔明璫玉案兮爾不我將緘誠結惠兮久莫汝償  
永如牛女兮南北相望昔燕處兮靈芸之堂紉蘭為  
珮兮集芰為裳西風淒緊兮凌百草以殞黃蘭萎芰  
裂兮恐被服之不芳念汝王立兮賤組繡之文章玄  
節日厲兮奈慘慄之冰霜胡不乘白雲兮歸來乎帝  
鄉尚何所獲兮畢永歲而彷徨

舟次金陵懷寄歷陽王掾相 王字元胥庚午

十二月賦

昨時江北望江南把酒離愁已不堪今夜江南望江  
北抵掌清談安可得歷湖白下非吾鄉官身俗眼禁  
人狂後日扁舟更西去江北江南兩何處

贈道士蹇拱辰

嘗觀妙手御風圖想像斯人世所無今識黃冠葆光  
子爽氣飄颻盡不如岷峨東來九千里眼飽高山與  
流水乘春更擬訪天台晨肇當年偶然耳葆光子胡  
為乎鼎中龍席煉成寶筆下鬼神驅作奴須君且置  
是等事三復玄元皇帝書

艤舟秦淮雪中訪侍其瑀 侍其字服之庚午

十二月賦

北風破雨初成雪齋舫蓬窓吹紙裂簾帟觸冷訪圓  
廬得把一盃聊耳熱人生自遠待何時矧君與我皆  
衰遲會待晴天暖風日杖藜同赴北山期

寄墨代書贈楊時 楊字中立彭城僚友也為

南康刑獄掾庚午十二月金陵偶便因以詩墨  
寄之

徂來雪壓蒼松顛淪膏根柢蟠蛇蜒樵斤剪枿石火  
熱曲突百步凝梢烟蒲萄秋顆纍纍懸海膠九煉堪  
續絃力擣萬杵曰欲穿劑成圭璧隨方圓點漆比  
石比堅坐令李韋羞居前陳臺潘谷老且賢授唯識  
者不計錢是翁解化如蛻蟬後可繼以無聞烏付君  
一圭款識全保護謹密何千年君家清風宜世傳不

特談玄頌草玄

留別僧訥 辛未正月金陵賦

冗從西班誰比數牛僧馬醫猶爾汝詩解窮人未必  
工苦調酸聲効梁父滎陽道人方外交謂我有言迫  
屈騷驪珠不惜彈黃雀狗尾何堪聯晉貂秦淮潮上  
扁舟發後日相思一書札千里同風了々然人間無  
處無明月

留別道士許自然 自然山陽人喜談老易早  
為荆國王公所知嘗被召對于延和殿賜號葆  
光掌中太一宮文籍未幾謝病來菴山辛未正  
月相逢於金陵求余詩因賦此

東晉高賢許遠遊裔孫今不墜風流還有臨川王太  
傅每思與語即登樓浮名何啻如雲薄鍾鼓爰居非  
所樂漱石枕流知善謹友月朋風差不惡吾亦塵間  
無所求終期採藥棲羅浮異日歸來遼海鶴不見人  
民見城郭

贈趙參軍滂 趙字沛然工書得鍾王楷法云  
未二月高郵賦

髯參軍髯參軍平昔相好書相聞妙兼八法嗤五雲  
一字僅課三年勤春回玉樹生蘭筋驂駒氣壓千羸

慶湖集 卷一  
羣奈何不書藥珠祕錄之真文寶厨鈿軸緘靈芸閣  
居清絕無世紛誰其觀者紫陽君後日人間偶流落  
猶得標題持鍵鑰

留別田畫 田字丞君始名至明字君義元  
初滄陽同官也辛未二月邂逅于高郵因賦此  
以贈別

君家陋巷一尺泥吾車有輪馬有蹄犯寒踏雨重相  
過明日扁舟吾遂西回首邯鄲迹如掃離索十年成  
潦倒兔葵燕麥春日妍蟬腹龜腸氣方飽雲遶宵  
謝攀躋長缺與人還故棲異時結駟未南畝耕者老  
夫鋤者妻

調北隣劉生 辛未六月京師賦時將為衡陽  
之行

荒園老墻百堵破北隣劉子南隣賀今朝兩望不相  
過端却衡陽芒屨浣吾庖無魚未必餓晏飭糠覈煩  
脾磨吾牀何容凡物坐書為睡媒即牀卧彼子劉子  
何所作佐方學商聲哦楚些細君憂琴與之和相忘  
之樂在江湖最靈者人情不無此日可惜難再圖秋  
風西來莫挽吾後日相思幾千里書不盡言徒耗紙

荅靳生 生名馳嗜酒而狂自號為酒隱翁



申正月遣人持兩詩見投日索其報因賦此

軒之陵士龍卓之荀鳴鶴雲間日下逢此段殊不惡  
方君嗜狂藥而吾窮病縛相望不相過賦詩聊爾註  
知君酒隱慕先賢誰何合閤作飲中仙金陵妙唱丹  
砂絃當日新聲傳不傳莫學滄波弄雲月老鮫多口  
饒流涎訪吾之居在何許春明門東大道邊青鞵布  
鞵不妨步何待東家寒驢乃著鞭我屋真無生客種  
蒲團檀机共蕭然鷄雞走狗春風顛付與垣東惡少  
年

亡女勝璋哀辭 遠汶陽邾氏子彥修三年而

死甲戌三月海陵賦

百痾沉頓彌兩年何圖壯女死我先矣聲悲  
咽淚如綆靡汲九泉嗚呼尚敢充諸天託非其人歿  
失所父孱母鬻猶棄汝吞辛咀楚申何許萎蕤殞莫  
春不主嗚呼萬古為冤土

老鶴歎 海陵蘓氏即居之南鑿小池以畜雙

鶴甲戌夏旱池涸如陸是鶴飢立庭除間主人

莫卹也因賦詩以靳之

華表華表歸來乎出無車食無魚懿公之遇難再圖  
卑棲俛啄同羣雛謂誰嵇氏子不孤強顏市井交屠

治巨宬啟亦已踈嗚呼衛侯既不可作道林今也則  
無靈鳴風舞何區、夙夜供君耳目娛西山二子飢  
相似南國三閭放不如端慮盤餐懷異味併隨焦尾  
付庖厨

送王安節赴武康尉 荆國公族弟也甲戌六

月海陵賦

江左風華推第一王氏堂、文獻出烏衣諸郎能少  
屈尚執中司三尺律君方色養白頭親吳興水陸饒  
甘新卞山之下茗溪濱一洗長安肥馬塵君不見昔  
人負米長勤捧檄喜敢論州縣徒勞耳

送海陵周太守邠受代還朝 周字開祖嘗宰

管城有聲甲戌六月賦

湯、水東流奈何載以西行舟統如五鼓鳴城頭使  
君去矣不可留前日使君來天子惠此州傳道管城  
政先聲走羣偷不關外戶息吠犬悉把鉤鋤誰帶牛  
雨暘不違禱烏鹵數倍收吏却一錢賄獄無五木囚  
黃堂坐嘯有餘暇八詠新詩追隱侯斯民幸使君異  
世為吾休哦及瓜時代本朝官重內舊通金門籍行  
奉玉宸對問君何以治海陵但陳聖主之德臣何能  
狂生有意水衡丞

送僧雲還吳興 雲喜作小詩稍不俗甲戌六月

月海陵賦

吳興道人美風度月下滄浪翹白鷺畫公詩律尚能  
傳間有赤烏黃耳向海角相逢一笑新懷歸不待白  
蘋春寄聲故國羣兒輩潦倒塵埃賀季真

谷許景亮 許永嘉人字少明力學喜為詩惠  
然出長篇見投况我以鄧高密謝太傅即賦以  
答時余將為江夏之行兼與之別乙亥九月京

師賦

東嘉海上孕瓊帷之子人英晦當代發之辭章聊一

噫下界

雷鼓霜鍾警龍耳曠投吾夜光敢不拜相期過

高幸少殺君家風鑿嚴簡汰頽吾衰遲積疴瘵久隱  
墻東慕牛僧絕望仲華安石輩老矣狂奴猶故態清  
思屢遭俗子敗絮衣棘徑動骨礙京塵浼人更難奈  
行挈一舟犯滂湃五斗無餘雜糠稗全家飫飡雲夢  
豈黃鶴登臨指天外燕子西飛書可待訪吾少明安  
好在

贈僧孚 熙寧末余罷官趙郡日與僑人實了

然遊後十年復相遇于徐之蕭縣丙子三月之  
官江夏舟次長蘆有僧永孚見過乃了然之行

之廬阜余要偕行乞一詩遂賦

北道交遊實了然手持丹訣口談禪吾年方少不解  
事貪酒放歌相助癘十載驅車道梁楚汲水之陽一  
環堵著書直上窺鸞熊鄙園漆園聊爾汝旋聞暫作  
去鄉行聲迹相違掃風雨我遭官縛未渠夫君割塵  
緣遽如許扁舟三月遡長川故人投謁俄童顏周妻  
何肉敗吾事成佛定輸靈運先此行歷涉佳山水隨  
牒不妨行樂耳與君更結蓮社遊徑取孟囊付舟尾  
送章邦傑移家餘杭包家山 章字子才熙寧  
中僚友也自江州瑞昌令休官居城中十三年  
不與人事為道友築室相招遂有是行丙子五

月道由九江邂逅章登舟南浦因賦是詩

九江賢令尹千載兩相望昔也陶彭澤今之章瑞昌  
拂衣置五斗高興挹羲皇避俗陶無悔達生吾與章  
淵明三迳荒松菊我攜一瓢寓僧屋淵明乞食踵人  
門我賣神丸辨蔬粥淵明為酒接休元我每移書謝  
州牧淵明帝筆課兒曹我子長歌紫芝曲蕭閑門戶  
十三年尚畏塵緣生處熟行將卜隱包家山誓與蒼  
生鍊大還願君門外誅榛管來者勿推容躋攀鏡湖  
遺老且孱猶堪護鼎訶神效功成拔宅自僊去唯

餘井白苗人間

題漢陽招真亭 亭在大別峯頂郡守吳興劉  
誼宜翁營齋諱宗以招江夏黃鶴之仙劉每日稱  
有不死術亭成後二年物故于淮陰道中余適  
見之一無他異丙子八月獨登因賦此

大別山巔清沔尾飛亭岩峩帶雲起清狂使君初燕  
喜拍手招呼黃鶴子玄津煉出太陽酥羊茸胎髮蒙  
頭顱每誇久落北鄴籍豈意齋恨歸黃壚越客登臨  
興何有愁不能言病妨酒殘陽雲夢宵然深尚欲開  
襟吞八九羽駕飄飄安在哉使君餘跡已塵埃但見  
瘦令樓橫烟樹杪角聲催月渡江來

晚出江城聞角 丙子九月晦江夏作

古壕沮洳荷葉枯矍鑠禿鶯行且漁山銜日脚水闌  
掩孤樓引角吹單于胡馬嘶風興非淺壯圖舊迹隨  
塵卷秋盡湖邊雁不來流萍方悲去人遠十月之交  
五夜長河橫斗直天蒼涼蘓門故里斗杓下豈無伯  
仲勤相望君不見剡蓬為矢孤弦柔男兒落地志四  
方履屐無根著家巷道杲遠楚猶吾鄉鷓鴣不踰濟  
橘渡淮為枳吾心况物未應然隨牒官身聊爾耳

寄漢陽趙尉沔 趙字道原滂之從兄丙子十

月江夏賦

慶湖遺老坐詩窮強仕之年百病攻誰謂南昌祿隱  
翁伏枕呻吟四壁空相思限以江西東寄聲每託江  
頭風斯言近俳聊一笑江水方清饑可療人生奇偶  
類探籌造物豈容人數料君初試吏或當然我大半  
生真不調昔不願起家百日登三司今不願還家六  
印金索：但願官糧辦親養歸來尚餘三徑資鄰墻  
晏起訪安否爾酌我歌堯舜時咄嗟此願良難必吞  
聲食蘗甘如蜜

送武庠歸隱終南 武字明叔近號今是翁銜

命巴峽還道由江夏過我乞詩為賦丙子十二月  
君不見南朝豪雋有都生自厭出身時經嬰樂聞栖  
遁去人者傾金累百贈其行關西武即將家種心實  
慕儒官冗從春走巴東歲暮還逢迎偶在江南夢過  
門把酒豁清襟行將歸隱南山陰終焉之計咄嗟辦  
頭賦一詩輕百金吾聞自古咸秦稱陸海六印可求  
田莫買別墅三千畝上腴將軍部曲猶多在未應親  
手把鉤鋤歲事經營付家宰一官換得今是翁昔何  
所縛令誰解攜琴領鶴白雲鄉身世相遼自兩忘北  
牕仰枕安足道未知何者為義皇豈不勝俛首塵埃

百僚扈南北推遷隨尺帟摩肩接武半臺輿誰謂淮  
陰非噲比君家鼎甲盛先唐兩都朱邱森相望天道  
惡盈幾赤族當時賴有安平王慶牒蟬聯今幾代雲  
孫庠繼遊方外他時野史逸民篇鑄也磨鈇豸而待  
送鄂州刑獄掾王懋元功罷官還海陵兼簡金  
陵和上人 前以三年余客海陵送王之官酌  
別于橫塘以詩丁丑六月賦

暖雲芳草橫塘路送客何之官鄂渚江臯暑淫氣如  
蒸別來何之還海陵海陵鄂渚非吾土每後君來先  
我去人無根帶本悠悠况指滄波是舟踪君方少健  
我衰遲躑蹌轅間不自持因行寄聲雁門遠歲暮敢  
忘林下期好去將無同語掾行見春風花滿縣隱顯  
它年不我遺為續白蓮社中十八傳

玉鉤環歌

諸王孫士汙澄源以蒼玉環螿娘

鉤見貺助飾野服因以珉玉盤博山爐成氏箭  
建瓊龍茶五物并此歌為報丁丑十月江夏賦

良工得玉藍溪窟相璞命形心匠出螿娘屈疆平疑  
有骨頸系一環猶莫屈鏡湖老狂厭袍笏素袂纁縮  
須此物價比連城不容乞王孫較好人所難何以報  
之明月盤薰爐波面山嶺玩吾鄉美竒鷓雞翰閩葵

兔盈霜毛寒稱是頭貢復龍團聊送公齋增冗長短  
歌粗可評珍貺吾方野裛事遊放跼步矐顏曳藜杖  
薄暮微吟江漢上彼漁丈人誤相訪謂似三閭大夫  
樣

南樓歌送武昌慎太守還朝 慎名宗傑吳人  
其先錢氏貴咸戊寅三月江夏賦

君不見鄂渚山環少去城半高牙之衝仰飛覲襄面  
華月天一隅縹緲青山江兩岸題榜南樓非昔時今  
人可復識元規唯餘在得昔時月與此江山長住持  
公堂坐嘯無留事清夜登臨誰辨此流風逸響殆千  
年初見東吳貴公子剽繁健手付方州迎刃未始逢  
金牛潢池小兒歸田疇田無高下乃多收每尋不淺  
胡牀興更有歌人行酒籌明日雲颿望堯闕鏡湖老  
生愁欲絕一錢何敢浼劉公送行聊以南樓月照見  
金閨待漏時結珮正冠勤曉謁公乎莫負鱸魚菰菜  
期衣錦東還使持節

題黃岡東坡潘氏亦顏齋 潘豳老昆仲躬耕  
於東坡葺亦顏齋以偃息求詩於我為賦之元  
符戊寅六月江夏作

東坡有田誰料理顰面蒼毛潘氏子結茅題榜亦顏



慶湖遺老詩集卷第一  
齊農隙把書聊自喜潘乎潘乎信是顏之徒終日何  
所論難真如愚世無孔父四科友猶辦簞食瓢飲陋巷  
環墻居百畝之收粒可數天南有待東坡主更輸什  
一補官倉餘勺幾何供雀鼠會須不改其樂媚而翁  
力田水旱由天公大勝心迹相違阮校尉東西南北  
哭途窮

慶湖遺老詩集卷第一

慶湖遺老詩集卷第二

老體詩上四十首

故鄴 按鄴都記漢建安十二年曹操滅袁氏  
始大築鄴當時京兆洛陽南陽許皆大都而鄴  
為之長操子丕代漢復定都洛陽此後僭竊更  
據鄴而未始殘破元魏孝文帝自代南巡駐蹕  
鄴下久之以南望柱人山北接柏人縣非善地  
遂去之河南將行挂飯罌于城樓上識者解之  
挂飯懸食也豈待玄孫宅以乎至孝靜帝果為  
高歡劫遷都鄴齊五主營建宮室規模壯麗遠

逾前魏周武平齊焚撤略盡及揚堅克尉迴遂  
濟渚之築京觀於晉屨山徙郡治安陽鄴猶為  
屬邑熙寧間始廢之戊午九月獨遊晚歸馬上

賦

魏武昔恢圖北平譚尚孽下鄴築新都非徒三狡穴  
將行遷鼎志遽有分香訣落日總帷空奠終歌舞闕  
旋聞灑洛上載起蒼龍闕四葉不歸東苔花馳道絕  
食槽讖終驗挂飯期先決擾攘百年間覆車尋以轍  
山川氣象變朝市繁華歇白露復青蕪茫々換時節  
陰風吹葛屨葬火走兵血木葉下西陵寒蟲助騷屑  
當時陪葬骨馬鬣循環列隧竭仆縱橫鐫文久殘缺  
帛砧與柱礎螭首隨分裂指以一杯間賢愚兩何別  
悠悠鳳漳水寂々雀臺月千古配英魂未隨埃燼滅  
田臯訪遺老謂有興亡說但聽黍離篇叱牛耕不輟  
喜雨 已未歲余官滏陽涉春早熟四月晦雨  
始太澍而二麥已槁死采老農之言賦是詩  
終春久旱暎涉夏俄溽暑垢汗浼衣襟梅津蒸柱礎  
黃霾閉赤景測候錯辰午沙燕逐風鳶翻飛邇來雨  
紛々白羽箭齊發萬牛弩落瓦復鳴階浮漚如沸煮  
崇朝已沛浹枯渴頓清瘡田父喜過從迎門好相語

慶澤傳 卷之二  
吞桑薄可具豚酒與簫鼓擇吉謝叢祠玉娘罷狂舞  
晨炊飽丁壯庇笠耕烏鹵少緩麥租期庶將秋稼補  
輸入太倉中蕃肥任黃鼠

老槐 邯鄲郡南滏水上有大老槐無復生意  
人偶夜休其下聞吟歎之聲發空腹中蓋梟狐  
所憑而里人輒以為神也因築壇建社祠禱甚  
勤余感而賦是詩己未八月

老樹久枯秃俯臨清路塵曾無席地陰庇暘及斯民  
梟巢與狐穴兇恠相憑親嗥嘯屬陰黑驚搖傍近人  
周環築級壇立社祠秋春既享不材壽濫當有土神  
勿惑巫婦言請揮樵者斤猶疑終竊據復作後來薪

過鼉掾端智 鼉字祖禹滏陽法曹掾己未九

月賦

西風吹晚雨飢雀噪寒叢文舉對談客坐慙觴豆空  
咄嗟宦遊子貧病略相同斗俸折腰得醉錢常不供  
君看北里兒高堂燕歌鍾雖誇酒無算飽德何由豐  
吾豈乞墦者不為妻妾容永懷冰檠操未媿屠酤雄

春行 庚申三月滏陽賦

風俗喜嘉辰行樂東城春人歌芍藥章馬度楊柳津  
田畝久枯涸麥芒棲暗塵焦心戴白叟日望西郊雲

對酒 庚申三月晦滄陽賦

白駒不可駐尺璧非所珍獨挹一樽酒悲歌送徂春  
歌闌酒亦盡回首迹已陳自笑十年仕尚迷天下津  
豈無濯纓水奈爾長路塵命也復何道令人猶昔人  
開情二首 庚申四月同滄陽田叅軍至明賦  
青窻隱夕曛玉甃紫苔春佳人久不見翠被銷檀薰  
長巾拂綠綺上有三年塵聊彈別燕弄寄謝陽臺雲  
秋風動朱箔流塵污鴛綺念昔合歡人兩心今萬里  
冰霜變松竹况復如飛李欲寓相思文無多右軍師

題巫山圖 滄陽張氏出此圖蓋唐人畫庚申

四月賦

巫山彼美神秀色發朝雲絢麗不可挹飄飄去無痕  
楚夢一夕後蒼山秋復春目斷腸亦斷徃來今古人

詛蚊 庚申五月滄陽賦

公舍踞陰溝維蚊得所在朝昕滅聲迹曛暮相期會  
挾是黨與繁豈資軀力大飢心過狼貪毒喙甚蜂蠆  
併張巧中去人勇悍將何奈貧無綃葛裊拙計燃蕭  
艾徒自取熏蒸舉家更平噴欬烟銷尚鼓篋夜久禦  
益懈坦腹恣交攻煩癢如搔疥神疲復夢悸少不容  
清快如何造物工種上此生民害安得長風驅投諸

四荒外斷之嚴霜誅併命不可貸醜類儻一遺餘孽  
行當再

燭蛾 庚申五月滄陽席上賦

鬼蛾來翩々慕以堂上燭附炎竟何功自取焚如酷  
感彼萬動微保生在無欲不見青林蟬飲風聊自足  
病暑 庚申六月滄陽賦

早夏景延永烈日天中央歛々燎原野中去人如探  
湯病肺苦焦渴吐舌生喉瘡蔗漿與茗飲未易蘓膏  
育稍驚氣象變雲物來冥茫仰枕視簷際浩々浮滄  
江忽得灌頂偈灑然心地涼雷公未鼓怒風伯何猖  
狂掃蕩大宇空萬影緣斜陽俯辭楚臺上拱立齊鼎  
旁一介命蝼蟻敢干私雨暘田夫信無罪觸熱正驅  
蝗

暑夜 庚申六月滄陽賦

渴蟬鳴中夜木葉凝無風襟宇不加帶猶如被蒙茸  
三庚信可畏一扇曾何功安得解民愠蒼梧埋古桐  
問內 庚申六月滄陽賦

庚伏獸蒸暑細君弄鍼縷烏締百結裘茹繭加彌補  
勞問汝何為經營特先期婦工乃我職一日安敢墮  
嘗聞古俚語君子毋見蠮螋女將有行始求然艾醫

須衣待僵凍何異斯人癡蕉曾以時好冰霜非所宜  
食芡實作 庚申六月邯鄲郡從事錢景茶德

父席上賦

錢侯官舍旁走水來方塘暑雨過初伏斜陽生晚涼  
風翻芡盤卷萬鬣爭低昂猶疑秦雞暴擅此六國場  
下塌延客客開樽薦新嘗金刀剝老蚌玉沙磨夜光  
殷勤煩飮餽未吐悲生腸引領廊衛西百泉乃吾鄉  
水產富以物數錢論斗量朝飡取饜飽無復炊黃梁  
貪嗜比羊棗况乎惟味良十年去國仕遇得總微芒  
季鷹思蓴蓬天拂衣謝齊王我亦散浪者未許斯人狂  
長歌定行矣千載會相望

烹雞歎 庚申七月客過滏陽道近時有人觀  
庖人宰三雞一雄就縛而鳴不輟因歎曰禽鳥  
將死知時且鳴吾安得默！求容於世因極口  
肆言俄抵機穽幾不得免余感而賦以云

膳夫縛三雞二雌先就烹一雄置机上不廢知時鳴  
有客見之歎人情猶物情寧昌言即死何喋口偷生  
愚聞以客言退思因竊評雞實鼎俎資殺身非罪聲  
人忘樞機誠鼓舌為禍萌宜念千金軀與雞何重輕

題華陽公主碑陰 按碑公主名李豔魏孝文

帝之孫年十四降高歡弟琛主與琛皆蚤歿齊  
建國琛追王趙郡主為王妃碑表其墓盧思道  
文姬淑書在滏陽之南七里庚申八月晦日賦  
王姬乘鳳去春色一朝空昔怨綺羅月今無松柏風  
千年見白日狐穴入幽宮玉鏡古塵滿落梅誰復容  
峨一當隧碑寶刻一何工文擅色絲美但書膏邑封  
惜非丈夫烈不得傳無窮好在故時物清漳流自東  
題蘭陵王碑陰 碑載王名肅字長恭北齊文  
襄之子按北史直書長恭而沒其名蓋當時以  
字行而史失其詳爾王有武畧善撫士每得一  
瓜數李必分甘餌衆金墉之戰免胄先登推功  
第一今蘭陵王曲即凱歌也為後主所忌得疾  
不治而卒以鴆薨碑陰刻王弟延宗一詩甚哀  
墓在滏陽西南十里道占其東夏潦所湊壠已  
半圯碑字大兼寸隸法有古氣而不著書人名  
文乃盧思道也庚申九月十日賦

齊室生武賢蘭陵乃頗收拊瓜饗虎士尉饜比梁肉  
金墉免胄戰破陣何神速樂府有遺聲當歌凱旋曲  
盤宗既不壽霸祚宜尔促十代六百年人間換陵谷  
荒塗接幽壠誰復禁樵牧空石半歌摧鉤鋤斷螯足

蒼苔蝕琢刻仰睇眩塵目操翰無愧辭千言不為辱  
流湍齧馬鬣客土日危感靈潦併年間弥漫即川陸  
昔多萬兩送今無一杯築人生妄區別共盡同草木  
何待雍門彈令君淚盈菊

邯鄲郡樓晚望 庚申九月賦

新涼瀉軒檻草木帶秋聲閣水倒嵐影洗磨刀戟明  
百蟲暮吟動一鳥歸思輕晚律駭徂景羈懷念勞生  
去國亦已久已年今復庚官倉容雀耗世跡忌蝸爭  
顧我實荒浪誤拋樵與耕竹木微逕在奚獨古人行  
峇杜仲規登叢臺見寄 庚申九月滄陽賦

高風蕩河漢白露被寒菊下有絡緯蟲淒酸生意促  
華年不相待去我何流速老步步失騰驤短轅甘踣蹙  
伊人濮陽秀方厭折腰辱仕導塞榛蕪低徊避虻蝮  
邯鄲古都會陳迹武靈築興發即登臨西南幾窮目  
新詩琢璠琰疊寄兩三幅一聽郢中歌陽春回草木  
行將及瓜代暫喜擺羈束鞭馬徑相過連朝奉遊騙  
隻雞與斗黍禮意未為足何以遇高陽多營甕頭醪  
冬夜寓直 庚申十月滄陽賦

落月半侵窻蛩聲寒到床羈人不堪此夢後夜仍長  
結衣出庭戶河漢正蒼涼浮陰暝四野來雁不知行



陳物悲暮節畏途懷故鄉十年泥滓賤半生靴板忙  
豈不志事功筋骸難自強壯毛抽寸霜烈膽磨尺鋼  
素尚竟誰許行歌追楚狂

送武

欽宗廟諱

之安陽

辛酉七月冠氏席上賦

黃金絡征轡之子待明發樽酒少遲留禪林見涼月  
歌鬟結蛾黛怨以佳期濶去々柳堤風青蟬催白髮  
寄杜邯鄲 余寓居魏之冠氏杜仲觀以詩相  
招屬大河北徒莫知其津竟不果赴但賦此答  
之時辛酉八月也

窮巷厭多雨頽垣藜藿生蝸蟾飽風露晏景一何清  
坐指歲芳歌羈人心骨驚所懷不可見東州聞政聲  
三年但弦歌百里稱神明風月動高興詩章時一鳴  
天葩落健筆直與春工爭渾河失故渠怒水方縱橫  
難憑束葦濟跬步萬里程夢想不知遠笑談何可并  
賴有西飛翰尺紙緘馳情

訪周沆郭忱 周字文清郭字天輔皆吾僚婿

也辛酉仲冬自魏趨闕始及北郊首訪二子於  
壺蘆園延款連日因賦是詩

前日去薄官驅車望城闕情親周與郭契濶多年別  
征袍未及解徑造郊扉謁存問審安娛芝眉尉懷渴

家飽具羹炙笑我猶饕餮野色夜蒼茫松陰步微月  
悲風應長嘯灑面若冰雪挾室燭花青壞爐擁駝褐  
歡呼講舊好鄰夢憎驚聒念昔初冠年朋從事顛蹶  
忽一回首身志成老拙居諸信迤邁又值陽生節  
春物行可期良遊須屢結婦家酒醅美升斗容丐輟  
斟酌挹東君手選時芳折樽前有餘樂身外無所切  
欲尋玉清跡難訪金丹訣修短三萬朝黃塵共埋滅

除夜歎 辛酉京師賦示周沆

壯髮忽種一華年今復窮客懷少安遠况乃京塵中  
病肺馱斟酌疲筋謝過從閑坊稅老屋車馬無來蹤  
日俸纔百錢葢蘆猶不供夜榻覆龍具晨炊熏馬通  
出門欲貸乞羞汗難為容安得一扁舟浮家乘興東  
江山北深隱終老為田翁春秧二頃苗秋穫期百鍾  
稚子課樵汲壯妻兼織春行歌滄浪清卧快柴桑風  
神明養內現憂患無旁攻有客聞此言請余何不衷  
茲行果勇決誰攬冥冥鴻安知祿籍間去就如樊籠  
微尚良自信所悲君不同

寄杜仲規 辛酉二月余罷官滏陽訪仲規於  
邯鄲屬雨後晴和城邑人已衣袷既登叢臺風  
色淒陰尚如隆冬時臺下有佛祠庭中得斷碑

乃蔡有隣書嚴挺之叢臺懷古賦也因請仲觀  
樹之壁間佛祠西去二里有王氏園偶諸俳  
倡將祀神者因置酒按之邑人丘巖起次說與  
焉明日相別是冬仲觀亦受代復調南康船官  
壬戌八月余至彭城登高有懷因賦以寄

中春兩收霽與子登叢臺形勝宛然在大行西北來  
無情百尺土千載未摧頽四顧發悲嘯淒風振顛顏  
凌高氣象變似不容徘徊下出破禪剎斷碑生紫苔  
嚴公賦懷古復使後人哀西尋王氏園一徑趁城隈  
老竹未萌筍繁花如雪開惠然丘少丰逸躡欣攀陪

小榭羅醺豆開簾按俳詠招呼縟縵人晚鏡催妝梅  
水調唱金縷雲壘浮玉醅傾觴敢惜醉忘著接羅田  
明日遂分首舊遊安在哉我為東徐官客鬢棲塵埃  
君調南康吏江山役清才西風吹去雁尺紙為君裁  
我已困摧辱壯心如溼灰行將隱名姓采藥孫登鬼  
共城山名異日儻相遇衡門翦蒿萊

遊雲龍張氏山居 雲龍山距彭城郭南三里  
郡人張天驥聖塗築亭於西巖元豐初郡守眉  
山蘓公屢登燕于此亭下畜二鶴因以放鶴名  
亭復為之記亭下有小屋曰蘓齋壁間榜眉山

所留二詩及畫大枯株亦公醉筆也亭上一逕  
至山腹有石如龔冶者公復題三十許字記戊  
午仲冬雪後與二三子攜惠山泉烹鳳團此巖  
下張即錄之壬戌秋余初至徐張惠然見臨繼  
相招為山中遊八月晦日遂往暮歸馬上賦此詩  
昔聞張逸民卜築雲龍山東望結遐想喜得莒城官  
一語定襟契宛如平生歡招攜屬休沐投以蘿薜閑  
女僕候門巷青桂雙翠鬟蘓齋軒戶明餅火焚椒蘭  
寶墨鬼神護清詩冰玉寒森然拱蒼雷架石排琅玕  
東趨放鶴亭磴道披茅管指頽百村落炊烟林莽間  
日脚灑平陸兩山如斷環淒風振晚葉坐怯衣裘單  
引領紫霄極飄颻如可干緬懷眉山公五馬來遊盤  
酣興走顛筆蒼崖却鏡刊年午仲冬月雪野雲彌漫  
掃石坐舒嘯惠泉烹鳳團當時詫盛集千古陋達安  
俛仰迹遂陳斯人久泥蟠我來後千日逸躡何由攀  
遇勝不能賦俯尋塵路還山英移未勒時款白雲關  
登黃樓有懷蘓眉山 時公謫居黃岡壬戌八  
月莒城作

登黃樓望黃州黃州望不見樓下水東流水流何可  
留浮雲更悠悠傷心澤畔客憔悴楚蘭秋

秋懷二首 壬戌九月彭城賦

室邇人尚遠况乎千里間豈徒道踞長重水復重山  
清霜老芳物嘉樹不堪攀欲寄隴頭信春風殊未還  
蕭々庭木落格々雞聲惡荒簷日影斜飢猶捕黃雀  
總閒養痾客起念丘園樂欲賦歸去來西風老藜藿  
燕子樓 唐徐牧張建封晚得姬人眇々寵嬖  
之為契燕子樓於使宅北城上以處焉後更兵  
火樓不復存天聖中故相濮陽李公出守彭城  
復樓於故址壬戌重九後一日余與二三僚友  
置酒樓上分韻賦詩偶得如字而侍酒官妓亦

有名眇々者蓋竊希唐人因為見於卒章

城據山川勝千年楚故都高樓臨汲水楊柳蔭芙蓉  
唐室中多故將軍老鎮徐毬塲朝戲馬玉帳夜投壺  
白雪徵清唱黃金得綠珠春風樓上醺三日極歡娛  
紅粉夢雲散白楊兵火餘當年賀厦燕老畫幾甯雛  
曲徑擁黃葉西風時掃除寒鴟蹲老樹睥睨女墻狐  
有客晚登覽傍徨思壯圖荆榛閉銅雀麋鹿遊姑蘓  
陳迹豈足道舊歡何日無朱欄開酒場寶勒迎官奴  
醉袖舞鴝鴒豔聲歌鷓鴣遲留故時月桂影來座隅  
回首一相詫今人如不如

快哉亭 彭城郡城之東南隅提點刑獄官廢  
 廨也熙寧未魏郡李公持節來以高諱亭城隅  
 之上郡太守眉山蘇公命名曰快哉亭下有甃  
 壇數十步即唐人薛能陽春亭故址也癸亥六  
 月始登此亭因賦是詩

飛亭冠城隅空豁延四望夙昔兩文雄胡床以相向  
 山川氣候羨詩酒風神王禪壓許昌侯陽春慙俚唱  
 塵車忽南北榮辱生譽謗一躡雲達間一落江湖上  
 我來得陳躡伏檻徒怊悵可畏以塵籠歸我養荒浪

飛鴻亭 彭城南禪佛祠據戲馬臺之麓有

巖山出其上方廣倍尋可立柱石癸亥秋九月  
 太守河南王公說命僧起亭冠焉亭成置酒以  
 落之而未得嘉名以稱也時天晴木落旅雁南  
 下復有聲琴於坐者公偶誦嵇叔夜目送歸鴻  
 手拊五絃之句因以飛鴻榜之是冬十二月十  
 日復與李昭玘成父楊中立同登因賦是詩

禪林跨山脇飛高諱鑿峻嶒千里寄雙睫百憂消一  
 登斯遊屬公暇曉日東南弁霜野明練甲雲陰垂海  
 鵬東州地陽暖臘月川無冰大編出洪口突去如騫  
 騰跌坐思方寂桐魚聞飯僧生臺飽馴鴿散上浮圖

層矯首發長嘯清風鼓塵膺寥々紫虛踏鴻雁正憑  
凌仿像中散公俯手朱絲繩粉繪久零落爽靈呼不  
應言願余識允寡况復無才稱行且置纓笏庵棲宗大  
乘二子勿多誚有心何不能

上已後一日登快哉亭作 甲子年賦

上已信嘉辰流觴傳舊俗良遊悵不遂吏局方有屬  
東風吹曉雨萬竅嗥林麓疑有泊舟人狂歌河女曲  
逾朝始澄霽物色如新沐城角趨去危亭登臨尉幽  
獨紛華掃不見胡蝶飛平綠佇倚窮夕曛悠哉此心  
目

讀李益詩 甲子夏與彭城詩社諸君分閱唐

諸家詩采其平生人賦一章以姓為韻君虞益  
字也見從軍詩序

君虞興聖孫詩律早專美樂府度新聲宮醮奉天子  
鮮風獵蘭苕華月濯桃李獨有連眉郎才稱劣相比  
頗聞竹窻句流落綺紈耳吏曹久失調幕府感恩起  
從軍五十篇王粲慙率爾胡沙動霜草開卷得千里  
騫翔大蓬拜轉顧觸排毀晚升八坐崇謝事知所止  
高文茂支庶埋滅長已矣斯人今不亡正賴教者紙  
咄嗟蓋踰壯日就無聞恥勉哉課謠吟請自田居始

田園樂 甲子八月與彭城詩社諸君會南臺  
佛祠望田畝秋成農有喜色誦王摩詰田園樂  
因分韻擬之余得村字

昔我未去國幽棲淇上村分辭俠少事喜與農老言  
農老孰追從四鄰皆世婚機中工織婦籍上成丁孫  
青駒自走磨黃犬長候門昨日春火開逍遙望高原  
西照牛羊下東風花草繁今朝夏雞鳴麥熟田頭喧  
歸來息樹蔭課汲灌中園秋賽方及辰釀秫烹膏豚  
叢祠響腰鼓免杖奉神樽冬雪斷門巷蠶廬清且溫  
地藉熊豹席爐明荆樾根起居就安適非復繫晨昏  
不識百里面不知千騎尊供輸先衆期於我何威恩  
太上復淳古坐超羲與軒敢忘天地施擊壤聲如埴  
畢此百歲頌泰然長夜魂避秦誰氏子客次武陵源  
此日足可惜 甲子九月彭城寇元弼席上賦  
此日足可惜此樽何可辭人生信浮寓老境將安之  
念昔青衿歲九七殊未知忽々俯仰間復見趨庭兒  
名繫冗從籍顧亦胡能為撫此多病軀敢有黃髮期  
每虞斃奔走明哲永見嗤後日賣刀劍買牛耕故陂  
不憚力作勤農事有閒時慨想無心子清言慎我師  
部兵之狄丘道中懷寄彭城社友 甲子十二



月賦

駕馬出北門徒御何遲々日氣方洶湧霜陰亦紛披  
役夫前驅行少婦痛不隨分攜仰天哭聲盡有餘悲  
雖非遠行適要之為別離願我豈無家從公難遂私  
且懷二三友缺此文酒期臨分各有贈婉思婉乎詞  
吟諷一回首烟林失城池相思肯相過斗黍為君炊  
三月二十日遊南臺 與張謀父陳傳道王文  
舉乙丑年同賦牙取姓為韻余得陳字

晴春六十日不與酒杯親吏事豈無間風雨復兼旬  
始作南城遊時物固已陳掃不見桃李濃綠逮荆榛  
登高暫逍遙引目清泗濱向田有交逕俯城皆要津  
得意屬禽魚可愛不可馴顧余千里客眷以十日春  
胡不念爾生筋骸勞欠伸二十契丁籍一官初為貧  
併張西復東甌滿菜蕪塵黃綬彼何物豕苓安足珍  
山園有芳蘭幽珮手自紉長哦白雲謠遐想紫陽真  
去矣南昌尉庶幾乎若人

夏夜懷寄傳道 陳攝領雙溝戍稅局乙丑年  
整城賦

疲筋任藜杖行藥下僧坊月出河漢白雨餘草木涼  
有懷社中子引首東南望高韻少諧結何心事征商

泗濱六七月萬柳鳴蜩蟾大編軻峨來迎風坐胡床  
投錢授赤券豈所試君長申退尚多暇不無金玉章  
而余方執熱思得濯滄浪雲戔儻寫寄珍重未相忘  
慶湖遺老詩集卷第二

慶湖遺老詩集卷第三

古體詩中四十首

和張謀父遊石佛山觀魏太武書 按南北史

熱城圖經魏太平真君十一年太武南侵至瓜  
步築宮駐蹕聲欲渡江宋人患之遣使請婚饋  
百牢以犒師明年春旋師渡淮復留連徐方再  
旬始北去今熱城南五里因山鑿佛高十許丈  
東北百步有大磐石欹枕小溪劃然四字曰阿  
彌陀佛皆徑尺餘特陀佛兩字為逸筆結之其  
長倍尋下落溪中蓋當時太武以鐵筆畫是字

非刊刻也乙丑秋張謀父摹墨本見惠兼賦一  
詩要余屬和焉

中夏昔叱否代邦天所開鴻圖屬太武不世英雄才  
南洗洛陽血西盪長安灰擅車十萬乘略地驅風雷  
一鞏濟長淮築宮瓜步隈東隣拜牢籠走使為婚媒  
雲旗即歸路覽勝此衰徊俯揮鐵馬鞭頑石同陶坏  
劃成四大字屹粟陰虹摧淪精入崖壑怒氣羞蟠田  
莊之六百年風雨生莓苔偉蹟寢銷泯威靈安在哉  
生存費無上零落等塵埃君為訪古遊賦詩追七哀  
人生誰不爾莫負手中杯

夜行鄒縣道中遇雨作 乙丑八月被外計檄

自徐趨鄆道中賦

昨日秋遂分村村歛禾黍半夜宿田人相嘖去深陂  
雨駁、馬上客厭泥投何所暮發鄒子城朝期飯東  
魯據鞏思假寐顛墜慙不武俯畏道旁石積然如伏  
虎遠驚喬麥華白水漫洲渚安能叱吾馭親闈寄西  
楚念昔卧蘓門夙興猶及午豈謂從一官羈離遽如  
許歸歟惜遲暮幽悒將誰語賴爾草根蟲助我長吟  
苦

行路難 乙丑八月被外計檄召徐鄆往反千

二伯里由荒山廣澤皆畏途也而期會甚嚴夜  
不遑息因賦是詩命曰行路難

驚颯獵榛莽西山匿窺陽四五陰魄晚繁星亦光芒  
驅車何所投却顧歸路長挾轅兩羸孱犯此豺虎場  
安得渥。注駿皎日遊康莊豈徒寫我憂要使塵不  
揚

送寇元弼王文舉 文舉乃元弼女兄之子而  
復妻以女寇之官符離之荆山戍王亦從行乙  
丑八月彭城賦

無端嵇氏安早結曹家偶不遂龍蛇藏翻從牛馬走  
東西祗強顏清境照人頽歎枕知歸路開屏認舊山  
甘心折腰齋為飽來西楚始驗釜生魚還悲廁中鼠  
兩君冰玉人傾蓋許相親何意塵埃地歛游雲漢津  
佳時弟行樂不與華年約大白酒交醕長箋詩間作  
俄報戍期秋扁舟去莫流臺鄉淮水北和氏玉坑頭  
飄颻同李郭到岸逢搖落俱是長年人得忘彌日惡  
勞生不自知會合復何時籠鳥檻猿思烹雞炊黍期  
以期諒難必幸勿忘今日固有夢依、可無書一、  
徐國壯山河黃樓入望多後時三五夕奈爾月明何  
人生七十稀 元祐丙寅正月彭城賦寄朝中

三二知舊

人生七十稀行年今已半事功貴及時遲莫復何筭  
嗟吾夙多負失怙在童非詩禮思有聞飄飄辭祖貫  
慈親念衰緒碎碎營婚官名姓係西班星霜亟徂換  
未築黃金臺長歌白石爛豈無同心契相望眇雲漢  
每虞 颯至摧折澗底幹異日偶班輸抱柯徒永歎  
和杜仲觀青字詩二首 丙寅四月京師賦

青袍少年子獨出青門遊逢人少青眼凝笑望青樓  
憲中青蛾女正為青春愁心事屬青鳥青驄能少留  
白馬青絡頭青萍寶帶鉤青溪流水急獨上青翰舟  
佳人青雀釵手把青荷遊暮君青雲器青髮結綢繆

送李主簿夷行之官河陰四首 李字易初翰

林邯鄲公孫少年苦學元豐壬戌任東平戶曹  
掾攝欽城錢官余實為代元祐丙寅相遇於京  
師九月沂洛之官索詩為別遂賦欽城余贈李  
詩有它年會相訪分卧北山雲之句詩在別卷

夙昔一樽酒相從清泗濱回首歛四載長安逢故人  
交情久益淡辭筆老加新送子復西去勞生悲重陳  
古來英特士往往沈下僚念君鳶鵠姿俛首棲蓬蒿  
霜氣歛陂澤伊流緣半篔簹舟行何以尉酌酒誦離騷

君才本高絕流俗固難諧桂生樗櫟林寧免相突排  
勾稽諒多暇簾箔蔽公齋聖賢在黃卷差可遣人懷  
少小縻一官身世兩相補為鮑西復東志願劣兒乳  
不無同心友頗壓折腰齋寄語北山雲異時吾與汝  
擬南梁慧侃法師獨林擣衣 丙寅十月京師  
賦嶧陽桐梓鳴運岳石砧平待誰相應節要自不勝  
情吹衣風稍急弔影月微明會有不眠客聽此斷腸  
聲

擬阮步兵夜中不能寐 丙寅十月京師賦

夜久不成夢張燈開故書清霜屏雲物有月來庭除  
良時悵難再不與佳人俱掩卷長太息望子城之隅

擬鮑溶寒宵歎 丙寅十一月京師賦

孤缸照愁眠明滅知夜久熒々月落牀滅々風入牖  
美人悵何許寤言不相偶心寄南征鴻雲漢長回首

遊雍丘燕溪分韻作 丁卯二月領大匠屬治

事至雍丘與故人吳擇仁智夫趙子漪澄之同  
遊因分韻賦詩余得漪字

拾轡步平綠解衿俯清池微風度脩竹瑟瑟生淪漪  
梨華照晴影暖雪正紛披把酒久沈想况與玉人期

擬王少伯新興 丁卯四月京師賦

西北雲悠悠，東南日杲杲。浪語問陰晴，懸知行雨少。  
桃蹊換青蔭，夙昔一何好。臨牖思茫然，微風動萱草。  
送陳傳道之官下邳 丁卯九月京居病中賦  
無簡藪城張謀父寇定應之

昔也官藪城，日與君子親。俱遊大梁下，不見輒兼旬。  
衣食牽迫人，汗走長街塵。相逢立馬語，愁面如含辛。  
朝來忽叩門，頗驚黃綬新。告我即東下，得官淮泗濱。  
方語病中唱藥物，苦殫貧故人。復捨去此懷，難重陳。  
想見經舊廬，節候屬蕭辰。朝尋張翁墅，暮投寇叔鄰。  
二子亦吾好，尺書坐因循。交情定相訪，為話正迷津。

東畿舟居阻雪懷寄二三知舊三首 丁卯仲

冬抱病之官歷陽舟次陳留賦

舟踞江淮永，歲寒冰雪深。戍期良敦迫，玉畿方滯淫。  
疲筋苦踰卧，行樂長川陰。雲物接平陸，不見西飛禽。  
風從城闕來，如聞鍾漏音。昕霽更東逼，區區子牟心。  
寒洛未漸結，東趨江海深。舟人警朝鼓，歛繹逗長林。  
端若滯雪沙際起，鳴禽病客坐長歎。攝衣涕流袷，  
親朋自茲遠。可是慕山陰，興盡莫回楫。何人知此心，  
法法清川流。舟人浮雲陰，天寒日云莫。魚鳥方潛沈，  
吾豈厭安隱。東浮違宿心，一官未足養。老境行侵尋。

牛歌感白石馬骨要黃金慙無子虛作萬里懸知音  
函侯廟下作 按留侯本封沛國之留城今古  
祠存焉晉義熙中宋公鎮徐嘗下教修繕今祠  
中石刻雖破裂猶可識余官彭城日欲賦一詩  
忽々不暇及丁卯冬汭洛東下阻冰於陳留舟  
次有神祠特嚴邃榜曰漢留侯廟蓋邑人誤謂  
侯封為陳留也余時抱病殊困因默有禱焉歲  
暮疾平賦此詩具冠笏拜謁高吟神坐前償宿  
志也

文成念韓痛破產伺疆秦千金募健士椎斷屬車塵  
東去變名姓浮游淮泗濱忍耻奉遺履得書何老人  
十年風雲會赤帝資經綸鴻門禍端結一言即解紛  
英莖既合縱楚項提孤軍偉哉借箸談豎儒無復陳  
分疆餌兩將來若從龍雲釋怨俾侯印謀銷蛇豕羣  
定都天府國推功歸奉春四老落吾術拂巾辭隱淪  
東朝羽翼就楚調徒悲辛出處能事畢致君終乞身  
豈眷萬戶封僅與蕭鄒均淮陰敗晚節顧亦非吾倫  
願訪赤松子逍遙雲漢津強飯示終歿爽靈方上賓  
嚴祠鎮川湄餘澤及斯民客子老將至低回冗從臣  
慙無應時策肝膈空輪囷可教固無類慨然輒求伸



未應終萬古黃石獨能神

遊靈璧蘭臯園 集賢張校理治此園以奉親

因名蘭臯戊辰二月余舟行次靈璧訪張氏子  
碩於園中諸亭僻間得故人東萊冠元弼三四  
詩因繼題十八韻兼簡元弼

集仙昔榮養卜築循蘭陔深徑萬株合清池百畝開  
飛梁蔭菡萏攢棟跨崔嵬淮海斲紅藥瀟湘移翠栽  
岱松珮蘿蒿海石糊苒苔車馬遠驚聒魚鳥忘嫌猜  
病客倦舟楫尋春此衰徊年物候逢前日已聞雷  
薄景未晞雪東風新破梅主人京洛舊杖屨容參陪  
指我良隅地方營秋月臺眼明壁間字醉墨題東萊  
短句頗清絕早推能賦才殷勤卷白苧為爾拂塵埃  
安得一攜手更傾林下盃酒闌話平昔豈復顧形骸  
行役浸相遠人生信悠哉薄暮重回首長哦歸去來

題楊子玉輅故居清軒 戊辰上巳日賦

卜築負南郭褰開臨要津舟輿占集地奈爾獨清人  
坐上一樽酒江南千里春何須茂机扇何患元規塵  
遊子感陳躅恍如平生親九原不可作歸老復誰鄰

遊金陵雨花臺 在城之西南蓋生公講堂故

址也南即石子岡登覽盡江南之勝戊辰三月

舟次金陵與同行李延永遊西望石磧戍繇如  
數里之許耳

迨、朱雀航飛蓋共凌越東風石子岡芳草微徑絕  
生公法堂在清夜貯明月面認城郭遊春華爛晴雲  
長烟動江隩微雲泊山脅連檣去遲回白鳥屢明滅  
江山信清麗人物久銷歇戍堡定荒涼投身計何拙  
塵衫與汗馬端為老生設李侯朱門俊許與盡時拈  
俛首就微班剗腸願摧折人生特眠飯似是以身切  
歲晚賦歸田非君復誰結

宿法惠寺 在歷陽西南九十里戊辰四月七

一日公事至順天里越斗峴山冷泉澗薄晚投宿  
此寺寺三隅面山而豁其西北竹樹邃密如不  
與人境相接庭中有泉如輪清冽而甘跨山起  
小閣榜曰餘翠登望曠快因賦是詩題其上

驅馬越飛澗揚旌下田岡欵見層浮圖高風振琅璫  
重門壯且深老栢森然行佛子出延客投鞭步長廊  
中庭汲新泉一飲生清涼孤坐興登覽危梯趁上方  
蕭、荒竹林簷外如環墻樵牧斷行徑龍蛇知所藏  
山禽喜暄暘嘯侶何琅琅子規特殷勤使人懷故鄉  
引領落西北暮色來蒼茫一官早見縻微尚久未償

明發復東去斯遊良不忘

題香社寺平疴湯泉 在歷陽西北四十里泉石山東麓周環三十許步清澈而香或以竹木投其中潰之一昔渥然如丹蓋靈砂伏其下故飲之并浴者疾多愈因名平疴湯戊辰四月十日公事至泉上遂賦是詩

驪山御湯殿歲久玉蓮傾誰謂大江北有泉温且清相傳白雲竇中閔丹砂英潔濯浹肌膚沈疴亟能平豈特滌吾足徑當索吾纓築廬俯源上涵泳鳧鷖輕非復星塵網御風朝玉京賦詩投楚澤用弔懷沙生

宿寶泉山慧日寺 在烏江東北七十里戊辰

中元日入夜公事至此邂逅越客嚴生因賦是詩

日入不遑息驅車更之東回蹊出蒙密解袂迎長風  
、從何許來歷、江南鍾嶺響阿蘭若虛庭月正中  
流螢逗深竹白鳥巢青松華燈耿翠箔瑤花擢春叢  
絕境美清夜悅非塵界逢惜無一樽酒幸與之子同  
明發即南北浮生兩飛蓬

曉度黃葉嶺東谷懷寄金陵王居士閑叟 在

烏江之北八十里戊辰七月十六日自寶泉慧

日寺之茅塘村路由也

陰谷不寫暑風松朝霏零乳溪逗綠篠琴筑聲冷  
老石漬金碧昏然沈列星酌此石上泉餌彼松下苓  
倏歛振飛步豈徒制頽齡何須歷五嶽即蹈神人庭  
顧余方有役俗駕不敢停寄音采真子來卜白雲扃  
腰疼山浮圖下作 在歷陽西北五十里戊辰

十月賦

茲山非峻極名不載圖譜投策一攀躋未覺病腰膂  
蒼松帶寒日交陰層窳堵儼然黃面師粉繪色已古  
我貪五斗米磬折向兒乳復著鞞馬勞疲筋劇答楚  
此身異金石能涉幾寒暑誅茅結圓廬宴坐以其所  
清心日焚誦庶拔未來苦望塵彼何人碌々安足教  
曉登柏子岡回望金陵懷寄鍾山泉禪師 在

烏江東北二十里己巳四月賦

晨征念王事駑駕煩屢叱既陟崔嵬高稍辭叢薄密  
烏牛霑宿露白鳥明初日清川舳舻遲綠岸浮圖出  
緬懷秣陵遊曾綴秦淮絳曳烏白下門供去香金粟  
室得聞四句偈如奉三尺律損益非所知婚嫁行且  
畢庶幾追老龐薄莫微萬一誓將遷枳根待變江南

橘

歷陽十詠 己巳五月歷陽張令夢臣采  
縣境陳迹十題要余同賦

麻湖 縣西二十里按縣譜本城邑漢明帝時  
一夕淪為湖、中有明府主簿魚甚美皆昔人  
所化也今俗呼訛為麻湖焉

昔也萬家邑今為無底淵城郭泯遺迹人民安得全  
弔古一回首薄暮愁風煙極瀟不無意吾生後千年  
雞籠山 縣西四十里按縣譜昔城邑將淪沒  
神獨告一姥使西走即携籠雞登是山籠化為  
石形猶然湖之東南有姥廟

楚姥昔犇逆餘生脫沈淪家禽不忍置信謂婦人仁  
空籠欵变化千載高嶙峋可待麻湖水復生桑下塵  
濡涇塢 縣西南百里按縣譜孫仲謀築偃月  
城以拒曹孟德即此塢也

孫郎昔鷹揚曹瞞方虎視敢忘板築勤遠挫兵鋒銳  
俄聞青蓋謠無復金陵氣六代迭傾亡長江六平地  
遏胡城 縣西北三十里按縣譜昔石虎南侵  
晉相王導築以壘以遏之

狂胡昔憑凌闊步長淮外難去此百雉城萬甲屯要  
害時平一登望江山牙襟帶想像文獻公清風宛如在

詩當在過胡城之前

龍驤乘上游銳氣吞敵境風便趨吳京收功在俄頃  
平生負雄圖晚歲方獲騁何必傳鼎彝江山與之永  
天門山 縣東南五十里江導兩山之間殊湍  
悍按縣譜宋孝武嘗駐蹕此山上閱水軍發因  
建二石闕以誇武功今遺迹在焉

天門東箭流北注據牛駑凌高駐翠華舟師燿威武  
當時侍帷幄誰復徵往古虞舜有苗征端為兩階舜  
采石磯 縣東南二十里瀕江兩磯相對按縣  
譜李太白嘗隱東磯上故址存焉

東西采石磯山水兩清絕漁舸與商舶今古幾公越  
飄飄翰林主長笑美明月難訪物外游飛雲眇天末  
百福寺 與縣解鄰按縣譜即唐詩人張司業  
籍之故居也籍繪像今存

文昌西郭居脩竹閑環堵琴樽不復存青蓮開梵宇  
塵紛晦遺像粉繪才可覩拜真愧無言長哦君樂府  
桃花塢 縣西二里麻溪上按縣譜張司業之  
別墅也籍與孟郊載酒屢遊焉今茂林深竹尤  
占近郭之勝

種樹臨谿流開亭望城郭當年孟張輩載酒采行樂

斯人久埃滅節物今猶昨看取不言華春風自相約  
平痾湯 縣西北四十里按縣譜湯泉下伏丹  
砂浴之能愈疾故有平痾之名即劉夢得歷陽  
記所謂沸井者也

文礎護清漪烟若涵冰玉澡滌起沈痾功參靈劑速  
荒唐桑氏經瑣碎桐君錄利物本無窮何須塵簡牘  
慶湖遺老詩集卷第三

慶湖遺老詩集卷第四

古體詩下四十一首

三山 在金陵西南百里崛起大江之中昔王  
龍驤順流鼓棹徑造三山謝玄暉登三山望京  
邑皆以此地也戊辰三月始遊金陵置酒於鳳皇  
臺引望以山如落天外雅符太白詩中語旣渡  
江至石磧戍門遙與山對已巳六月賦是詩

南朝鳳皇臺置酒昔高會酒酣望三山宛在青天外  
長哦謫仙吟如淡鯨鯢繪明日信東風孤帆出其背  
荒戍接江濱開門遙相對鼎足峙長川不為舟楫礙

雨暘雲吞吐早晏潮進退萬古免浮沉曾微忤鼇戴  
伊余厭塵空閉目何可奈爽氣豁衿靈山乎吾有賴  
嘗聞晉阿童萬壚飛戈快徑造此山陸滄波為之隘  
我疲軟姿功名讓前輩玄暉昔憑眺物色頗有功  
他時挂武冠刀劒行且賣山價略可贖庵棲謝當代  
遠持三山磯况彼七里瀨猶得傲狂奴吾無故人待  
望夫石 在當塗北山上與歷陽當利門相直  
己巳八月賦

亭：思婦石下閱幾人代蕩子長不歸山椒久相待  
微雲蔭髮彩初月輝蛾黛秋雨疊苔辰衣春風舞蘿  
帶宛然姑射子矯首塵冥外陳迹遂忘窮嘉期從莫  
再脫如魯秋氏妄結桑中愛玉質委淵沙悠々復安在

題烏江湯泉寄老庵 庚午七月賦

西庵松竹深暮薄更微雨山禽不畏人嘲啗方對語  
而余倦宦者罷日今可教京邑夙所懷其如惡塵土  
行復念期遊回頭悵何許

罷官有期懷寄歷陽朋好 庚午八月賦

迅雨蕩闌暑層颯披滯雲澄川縹楚甸新陽麗秋旻  
物候豈不嘉中懷愴離群親朋城邑繫滯此江濱及  
瓜信匪遙遂作河梁分何人具供帳樽酒展慇懃一



聆雪兒歌載悽遊子魂津鼓驚朝夢 烟生夕曛所  
悲紫蘭纓復 京洛塵春風有歸雁報我相思文

樣舟秦淮雨中寄侍其服之 庚午十二月賦

蓬單每礙憤倉狹纒容席悽酸擁膝吟奈此風雨夕  
欣聞鍾漏旦懷彼南城客欲往從之遊塞塗沒吾後  
方君慕棲道顧已淹行役後夜歲云除時辰良足惜  
何當斥氛開新暘被東陌壺觴殿兩驂聊取一日造

金山遊 辛未二月舟次廣陵同建安黃材成

伯黃樞集虛郡人陳庾敏善武寧章思永子脩  
為金山遊賦詩得上字

輕舸放中濡岸遠春風壯檝師俯仰呼天水爭歟蕩  
吾方扣其舷聊賡小海唱梢回即東麓側磴聯屨杖  
危剝表層巔疲筋 牽強斜廊繚複殿魚脊分背向  
放目四垠寬秋毫入吾望侵雲鐵甕壘崛起去緣傍  
映日海門山不帶滄波上吾雖百石吏平昔有微尚  
得金仙徒翦蘿開岫幌誓投桑榆年浮玉翁自況  
金山化成閣望焦山作 辛未二月與二黃陳  
章四子同賦余得中字

朝登化成閣寫睇滄江東巋然瘞鶴山屏截橫流中  
雲烟生蔽虧水石相磨礮飛高宗諱結巖腹天龍巖佛

宮初無刻木智不與塵界通曠莽天地間勝事豈易  
窮將謀乘興人難去此迎潮風可信浮桴約僅有由  
也同我亦念行役翻如征北鴻他日一漁艇悠悠浮  
玉翁

金山夜集招米芾元章不至作 辛未二月與  
二黃陳章四子同賦余得王字

芳洲樹蘭珮清夜棲寶坊晚風駕飛濤柱石搖長廊  
微月逗簷際助我燈燭光黃童天下才壺子陳與章  
歌間險語捧腹屢烘堂惜無孟中物可以延楚狂  
興闌半道去浪學山陰王明發吾將還滄波渺相望  
如何方外徒漫仕煩官倉端爾涼秋節白雲來帝鄉  
廣陵山光寺夜集留別黃材昆仲 辛未二月  
賦余得平字

維舟山光步却顧廣陵城十里春風外夾津芳草生  
漁篷銜尾來愧爾故人情更卜連牀語神房温且清  
語闌夜自久淚燭剪復明檝樽兀相視酸涕流金纓  
我本山海士誤遭時網嬰出身兩紀餘何等為浮名  
矧此一分首幾年富合并離憂如驚瀾蕩瀟未易平  
踈親繫遠適斯言出荒僮音郵無禁限動訪白雲兄

題崇勝寺無心菴 辛未六月京師賦

老鶴依林表孤雲寓山間結茅窟釋子著身如許閑  
有心即塵紛無心猶石頑有無心併置日暮客未還  
和錢遠德循寓懷二首 辛未七月京師賦時

與錢鄰居

悠悠北山雲井井東門草紛吾起故居與爾即遠道  
巔崖博錙銖得不償所耗寄語鄰墻翁歲晚從吾好  
魯酒味自薄楚歌聲更悲曾無忘憂用安事酒歌為  
西風激商序流芳迫衰遲寄語鄰墻客茲非行樂時  
題天清寺安上人比軒 辛未八月京師賦

南城繁

音婆

氏臺維昔孝王築歌吟寂無聞萬楹聯佛

屋道人開北牖俯就百喬木八月鳴青蟬槐蛾委平  
綠客來借榻卧吹睡俄頃足踈雨隔斜陽垂虹跨長  
陸良遊悵遲後回謝三庚酷瘦馬尾華軒汗顏塵一  
掬昨非勿復道佳約猶可續載酒定何時新黃糝庭  
菊

感庭棗

辛未七月京師賦

昔來華纂：透許實離：西風會搖落行復見空枝  
歲物感流駛事切傷暮遲咄彼身後名前人端自欺  
書彈南山竹奄：定何知賢哉張生翰千載與心期  
送表姪趙子億之官滄州兼簡通守李延寧

李字叔永辛未十月京師賦

吾昔遊浮陽童心初辦在凌高瞰海日徑欲窮扶桑  
歲紀忽再周以圖竟莫償今遠送子往臨風但彷徨  
之子公族秀祖基維懿王成家宅相裂封復吾鄉汝  
翁同谷守視吾猶鴈行後生古所畏之子未易量莞  
庫方試吏事役須更平嘗譬彼汗血駒蒞齊即騰矐  
是宜勤夙夜動虞三尺妨勿憚川陸遙千里如鄰墻  
勿計弦晦餘俛仰度三霜邊羽昔云苦今歌海隅康  
正賴別駕賢不減晉王祥依投得吏師行見售所長  
為吾語故人曩契想未忘願致雙魚封繼以一鶚章

夏夜雨晴遣懷

癸酉歲京師春夏歇雨吾居

望春門東牛行街故西樞渤海公之高齋嘉樹  
清風殊不知暑濕時卧病杜門每把書自造五  
月望雨始收霽疾亦少間因賦是詩

積潦被廣陌誰過牛僧翁閑關養在瘵藥石收良工  
高齋俯嘉樹疎箔延清風左右列圖史披張俄一通  
從嗤懶祭魚聊學蠹書虫坐挹古人語孰云吾道窮  
浮生夢境間不帶之鷲蓬生死猶物化今昔賢愚同  
分陰賤垂棘白日莫再中薄暮紛滓澄寥：還大空  
為問以何夕涼蟾生自東荒哉西園士聯蓋迫輕鴻

行樂以至斯不知息微躬側聆天雞鳴凡耳初破聲  
吾從汗漫遊遡景鞭垂虹濯纓咸池淵晞髮若未叢  
親串不我忘惠音赤緡公長哦賦來歸閱爾世上雄  
寄題栗亭縣名嘉亭 邑令趙洋更此新亭名  
取杜甫同谷紀行詩栗亭名更嘉之句因其親  
能希邀求吾詩癸酉九月將扶疾東下感而為

賦

少陵昔避地幽棲鳳皇川始願獲其所賦詩以終焉  
瞻彼美林麓蔭膏腴上田陽坡饒垂珠陰谷繁玉延  
長鏡勤采斲服食攀飛仙兵祿奪和氣力耕無善年  
林垆開冰雪旬浹斷庖烟嗚呼歌七章暮節西南遷  
環堵久蕪沒斯亭名尚傳茂宰愴懷古增崇殊過前  
彫甍揭長簾下容十客筵嫩嵐隔春叢清竹鳴夏蟬  
風月有高興寫之武城柱狂客屬在廢駑筋難強鞭  
何暇遠登覽但哦鯨海篇尚苦八口累依俦同曩賢  
餘齡寄幻境未斷東西緣江淮米價平一舸去悠然  
幸以歲豐樂浮游善所便異時訪陳躡復使後人怜  
遊盱眙南山示楊介 楊善方藥著書甚多癸  
酉十一月與之同遊賦

霜曉無輕颺長淮淨如眼抬携南山遊老子興不淺

不從千步橋飛度一漁舸中流鼓素楫鯨鯢歛驚跳  
禪叟延遊客匆々問行色千里遠京闕浮驂去安適  
長嘯指滄浪濯纓前我裳朱門曳裾地槐柳自成行  
多年困靴板未立中人產沈痼迫衰逢求田咄何晚  
神丸儻駐延投以寄餘年鑿室隣楊氏然新繫太玄  
謝別盱眙杜輿 杜字子師方築淮上東山之  
居寄詩要余棧舟以待其還時聞揚子江潮不  
應輟浙石之遊將訪親於海陵因賦以告别癸  
酉十一月也

君希謝太傅築室卧東山應攜玉人去為問何時還  
扁舟欲之東霜落江朝慳難從京口渡且轉廣陵灣  
與君合復離况若愁夢間嬰疾再寒暑醫師憐我頑  
頽齡未遽盡解組誓投閑幽巖有芳桂晚歲約同攀  
留別龜山白禪老兼簡楊居士介 癸酉十一月  
月癸巳適風下淮晚次龜山白禪老見臨乃歷  
陽之舊也因賦以詩以別

亦尾望龜山人烟了可數長淮斷音鍛日風浩若千里  
阻舟無百石載兩腋憂雙屨鷓首盪頽波中流幾幾翔  
舞維梢迫曛暮坎々禪林鼓曳錫辱來過依然識眉  
宇青熒燈火畔耳得親軟語多慙晚聞道忠義夙自

許到腸憤激際赤手搏豺虎過壯纏百病餘生託兒  
乳羸軀假緩死豈復勝冠組會約子雲孫西巖兩菴主  
題海陵開元寺棲雲庵 寺即唐王屋禪師道

場甲戌五月郡守周開祖要余同賦

道人猶浮雲發彼王屋岑朝見膚寸合暮為四海霖  
造物一戲耳浮雲本無心永謝應龍召深棲雙樹林  
蒼生熱惱地千載仰慈陰皎月示弦晦清風何古今  
誰舉甘露頌轟然海潮音支離病居士和以無絃琴  
寄題潯陽周氏濂溪草堂 周本江華人名數  
願字茂叔仕至尚書郎累使嶺表中年投節退  
居湓城之南溪上因名濂溪以自况二子壽字  
元翁燾字次元相踵第進士丙子五月余槩舟  
漢陽始與元翁相際求余賦此詩

濂溪之水清未足濯公纓平生抱苦節成就此溪名  
長歎置符傳孤雲歸思輕溪頭四壁居溪下百畝耕  
量汲奉晨盥課樵共夕烹希逢杖屨遊但聽弦歌嚴  
為客剪三逕傳家通一絰雙珠交照乘合璧倍連城  
褐被有餘樂問縑無隱情桂林兩枝秀借爾俗眼榮  
昔仰名父子今推難弟兄不應文範裔遽謂公慙御  
如襲帶礪封世為權利傾地實寢丘此有力安得并

勒詩高岸石敢告後代生

送周壽元翁西上 丙子七月賦余時卧病漢陽露草蔓前庭微虫思明月宵分耿不寐懷我友生別舟師望箕宿綴幔須明發鷓首託歸風安知川路闊夫君青雲士行奉紫宸謁一鶚扶塵籠騫軒應霜節仰追鳶鶴駕肯顧孤老穴越客寓荒城卑棲慕鳩拙衰逢積疢弊未死人事缺嬾製一緘書寄巖彼朝列方今百廢舉衮職補何闕每自幸餘齡湖江傲華髮躬耕固難強五斗代徽徽摩腹遡南薰蒼生解煩

題陶靖節集後 丙子七月寓居漢陽手校陶

集因題其後

淵明不樂仕解組歸菘桑遡風北窻下坦腹傲羲皇儲粟旣屢空乞食何惶惶有身即大患斯語聞伯陽願我亦多忤丘樊思退藏慙無辟粒術圭勺耗官倉補感寓詩 余熙寧元豐間嘗賦感寓十數詩久亡其藁丙子七月因曝藥褚得此篇半已裂去不可記遂補成之時寓居漢陽

猛席未出押擾如搏鼠狸蒼鷹方在韝孱甚伏郊雌弭戢以違禍孰云爾無知幸遭縱釋仁返謂人可欺



豈復念前辱搖尾垂翅時擇肉斃儕類我忍猶天姿  
吾將罪虞者奈何生致之南山有重阻鄧林無摻枝  
機穽與羅罟今也將安施

黃鶴樓 在鄂州使宅之西南隅唐閻伯程記  
云圖經載費禕登仙嘗駕黃鶴返憇于此遂以  
名樓焉并見於神仙傳與述異記按屬書傳本  
江夏鄆人也為刺客郭循所害豈道家所謂兵  
解者歟丙子九月始登此樓因賦

登真者誰子昔有費公諱白日玉書下青天駕鶴飛  
此地少留憇神標悵依一振裾謝塵濁與尔方遠違  
層樓寵陳迹江山長四圍登臨美商素雨氣薄西暉  
水落洲嘴嫩風豪帆背肥飄然起遐想琳館閟巖扉  
明月識悠閑白雲疑是非金桃未透熟籬露虞先晞  
高樹兩華表長招羽駕歸靈瓢五色劑定與遺民揮  
自顧乏仙質延生猶可希刀圭儻不恡如飽首陽飢

鸚鵡洲 在鄂渚南浦上按圖經云因禰衡賦  
鸚鵡於此洲遂得名後黃祖殺衡投尸此洲下  
胡曾詩禰衡珠翠逐江流是也丙子九月賦

鸚鵡隴下烏能語奇羽毛羅罟巧相致琯籠關鑄牢  
長懷故園樹烟雨落空巢萬里遷澤國舟輿 勞

正平託物賦健筆不停操千載訪陳躡晴沙葭茨高  
珍禽不復見慨想若人豪處士起河朔英風拔時髦  
文章儷墳誥俛就猶詩騷兒汝命楊孔奴兵視劉曹  
姦雄可奈此束之投楚郊忤俗竟非命惜哉時不遭  
非無擇木智天下方涸遺幹泯魚腹浮菟誰復招  
近結屈平好佩蘭雜申椒遠慙子胥烈怒氣翻秋濤  
空餘春草碧恨血滿江臯

懷寄周元翁十首 丙子十月江夏賦

周郎假污官我偶來污居得閑定相過談笑沈痾祛  
俄聞成樓角曉引吹吶嗚自君居湓城恍一夢餘  
復求若輩人陶竈搜璫璣誠為天下士豈特江漢無  
周郎嗜茗飲偶與吾好同贈行發吾寶紫壁瑤雲籠  
此實太官物分甘玉堂公我曹百石吏藜藿每不充  
詩人盍得嘗可以驕萬鍾願君問一歡千里共清風  
周郎塵外人冰瓚立寒玉去我千里餘炯炯長在目  
有德且有言可採篆縑竹未為造物怜方徇斗筭祿  
司晨屬群雞安事彼鳶鵠聊自况疲駑鹽車不為辱  
周郎妙雅道五字可人師許與非不嚴奈何取我詩  
我詩如秋蟲徒增長年悲指疵固有望逐臭得無嗤  
詩鳴人必窮我窮豈所宜願君勿閱此晚節益經奇

周郎歸濂溪早燥害嘉穀仰飽百拍餘噉然坐空屋  
應書乞米帖得繼朝來粥行陞大夫籍月賜萬錢祿  
振顛屬它年盤飧羅海陸毋忘佛子言不食大夫福  
周郎西笑時疊寄兩函書情親語懇到骨肉所不如  
妙翰騁道放抵突黃與蘓黃癯曳羸筋蘓厚凝脂膚  
我於季孟間增少損有餘家雞敢復道儲此橐中珠  
周郎走王都馬足塵翻波賀老宦江夏無人驚雀羅  
出處躁靜間奈此貧病何平生解指誓晚境勿婆娑  
迫歿不得休前言食已多尚敢馱閑冷歛為赴火蛾  
周郎強仕年藥石甘苦口得無耗天和湯劑禦衰朽  
空華與色種：竟何有妄愛溫柔鄉蕩然不回首  
坐冷松桂姿凋晚等蒲柳幸勿易斯言前車鏡湖叟  
周郎有史才班馬可並驅紛：謬諂人畏君筆削誅  
我恨接君晚要亦君之徒沉疴積歲月頽以留須臾  
志我壙中石賴君文不諛庶乎陵谷變名字見君書  
周郎貫江華而復猷湖湘我亦非樂此西歸計茫茫  
顏辛抱沈痼生理豈得長後期真何時存歿兩莫忘  
懷君輒賦詩落筆聯十章它年一掩卷為我滄浪  
題武昌鄭判官直節亭 鄭名深字文通莅竹  
開亭於官舍東南隅名直節以自况丙子十月

落成求詩為賦

開亭榜直節寵爾青琅玕歲晚傲霜雪不同天下寒  
挺立百丈夫被之古衣冠春華白粉澤正色莫敢干  
越客與登覽微吟復長嘆六鼇方抃戲雲海翻狂瀾  
儻逢龍伯公何憚前一竿岐山鳴鳳雛久刷五色翰  
何以慰朝飢美實來加餐高材陋時用自持良獨難  
百碩裁樂管伶倫非古官浪遭野王輩三弄為人歡  
願製殺青簡燦然漆與丹褒貶約魯史終古垂不刊  
顧此託根地辱我久泥蟠

題潘大臨東軒 潘字豳老隨親官漢陽關公

舍之東軒著書名左史賦詩見寄因答之丁丑

八月江夏作

陳公少荒誕一室未遽掃事功竟何成老魅死不早  
潘郎治寓舍第禿無遺蚤庭砌蒔蘭萱未霜除惡草  
明窓慕輕素朝日上杲々烟蔓擢薰爐松腴浮墨沼  
著書析魯史百傳見脫藁賊亂久逋誅吾方力窮討  
不應兩觀下僅獲少正邪生可驕素臣俾渠眸子瞭  
而翁晏退食筆削日課了伯仲詠南陔餘風颯林杪  
安知自娛適聊尉堂上老起居侍杖藜寒燠躬煬澡  
昏定仰屋眠是中亦大好

送咸寧陳令完夫移官吳郡 陳字保神丁丑

十月江夏賦

蒿萊東郭居長者車成轍禮經尚往來豈為我輩設  
臨分懷出餞津遠舟速發十月鴈啼寒滄波洒微雪  
送君一樽酒孤飲聊耳契會取屈平書商聲歌九閼  
開正到吳郡暘暖張燈節兩地見梅華相思不同折  
官閑羈絆 陳迹得搜閱虎去丘隧空燕驚宮火滅  
廊傾罷鳴篠蘭斲香逕絕逮 故時人唯餘劔池月  
名城見圖繪丹墨殊滅裂細與賦新詩長封寄天末  
老狐首丘志客子敢忘越未灰定歸東柴荆晝常闕  
右軍領妙語年大不堪別况復魚鳥情飛沈方此訣

和潘幽老漢上屬目 戊寅四月江夏賦

白雲蒙山頭清川山下流芳洲采香女薄暮漾歸舟  
泣蒂雙荷葉逢迎一障羞持情不得語大婦在高樓

慶湖遺老詩集卷第四

慶湖遺老詩集卷第五

近體詩七十二首

雨餘晚望 熙寧丙辰五月臨城賦

相應乳鳩鳴桑間  
返照平明津小舫  
度高隴一牛耕  
林藪歸心健塵埃  
病骨輕屈騷  
藁奕在末許  
獨君清  
自訟 元豐戊午六月滏陽賦

朝聽明鍾出暮隨衙鼓歸朝  
復暮  
是是與非  
跡寄升沈  
諾言投禍福  
機何窮  
百年事端使一心違  
待曉朝謁天慶作 己未下元滏陽賦

望曉謁琳宮  
荒庭霧氣濃  
曾陪羽林仗  
如待景陽鍾

薄宦情無幾勞生夢不容  
樵朋與漁伴他日會相從  
送李易初還汶陽 癸亥正月  
熱城賦

客宦愴離群徐方復得君  
青衫初試吏白面頗能文  
畫舸浮春水清樽醉舞裙  
它年會相訪分卧北山雲  
重送 張澤樂郊皆汶陽遊燕之地

夾岸雪初消青々見麥苗  
傳聲汶陽客已解木蘭橈  
春水生張澤春風動樂郊  
良遊知不負回首念無聊  
春書 癸亥二月熱城賦

新蠶經浴罷舊燕未來前  
吏局坐如夢物華行可憐  
藻生南浦釣雨足東臯田  
故國負歸約塵埃年復年  
擬溫飛卿 甲子七月熱城代王文舉賦

露經朱夢上風簾翠鎖前  
宿衾熏菡萏朝鏡拂漪漣  
津潤銷金筆香依撲粉綿  
度閑雙陸子撥恨十三弦  
鸚鵡殷勤語旗檀委曲烟  
較銷乾玉筋魚鑰限金蓮  
團扇訓桃葉烏絲代杏牋  
朱門長官々白馬自翩々  
雞釣三珠樹徒拋七寶鞭  
酒闌應有待夢破即無緣  
信鵲新秋去孤蟾後夜圓  
浪言墻外地的是洞中仙  
快哉亭朝暮寓目二首

夙起喜舒曠徑迤城上樓  
初陽動禾黍積雨失汀洲  
水牯負鴈鵠山樞懸栝萎  
坐慙真隱子物我兩悠悠

積潦際危堞登臨西照中苔衣骨白羽槐蔭懸青虫  
不淺胡床興無多團扇功目窮猶起羨演漾一漁蓬  
題張氏白雲莊 彭城張謀父居泗洲之東山  
耕田數百里中擇爽塏列樹松竹結茅其間榜  
曰白雪莊甲子九月置酒招余與寇陳王李子  
酒酣賦余得雲字

江左陶徵士高風昔所聞應慙五株柳難比一溪雲  
我有乘桴約君方植杖耘悠々竟何得晚歲盡同群  
賦得枕上聞鴈 用天字甲子冬至日寇元弼  
席上賦

朔吹飄驚鴈寒聲徹枕前遠違沙漠雪不下汶陽田  
客夢悲中夜歸期隔故年葢苔與菰米何處是湘天  
和人遊白雲莊二首 乙丑正月晦日與余鄉  
段詢慎從李成父寇元弼步出彭城之上洪門  
泛舟訪張謀父於白雲莊晚歸皆被酒段集古  
人句成二首示同遊余因走筆和之以送謀父  
後旬餘慎從感疾物故張復出是詩使人泣歎  
彌日

原野正春風登臨一醉同陰晴時未定今古思何窮  
山勢諾還起溪流噎復通隱君方自得可羨爾冥鴻



可愛白雲翁前溪樣釣蓬耕樵一逕下井臼四鄰同  
倦宦終何得餘生寄此中預煩多種秫毋使酒盃空  
早夏 乙丑熱城賦

吏役初無補端令樂事妨不知春遂去但愛日何長  
薄雨梅含核溫風麥擢芒須容退食暇一枕夢吾鄉  
辭酒 乙丑正月熱城南臺席上賦

魯酒一樽薄吾愁萬斛多塵埃斬馬劍涕泗飯牛歌  
髀肉生如許顏毛黑幾何功名可復道身世兩蹉跎  
送陳傳道攝官雙溝 乙丑六月陳發熱城棧  
舟漢祠下者累日余方抱疾不遑出餞因賦是

詩

拜檝想登臨閑雲護日陰青蒲泗水闊古木漢祠深  
應醉盃中物誰聞澤畔吟禪坊養病客輕別若為心  
遊滕縣時氏園池 乙丑八月賦

珍重西園主開門待子猷城隅樹交蔭樓下水通流  
鷓鴣鳴深竹蜻蜓駐小舟可能忘夢想塵土滿徐州  
自鄆還徐道中 乙丑八月賦

八月過新雨行雲弄晚涼山川乍明晦禾黍半青黃  
西去真何事東還非故鄉悠悠塵土裏無路不亡羊  
早發王村道中寄李智父 乙丑八月賦

雞鳴戒徒御驅馬度前陂得雨人耕早邊山日上逢  
罷休何復道會合邈無期賴有西來水悠悠慰我思  
暮投葛墟馬上 乙丑八月賦

旬浹走千里塵埃如有緣慙無季子印可換洛陽田  
廣澤鴈行去荒山兩脚懸長亭猶未見疲馬不勝鞭  
汴渠夜泊示畢紹彥祖 元祐丙寅二月永城賦  
耿々度中夜浩歌誰與酬屋頭風卷岸枕底浪溼舟  
春物行飄忽鄉心久滯留須明投吏部一醉驛西樓  
丙寅舟次宋城作

水館雨邊村登臨奈斷魂黃花開小徑紅粉哭高原  
舟楫逢新火松楸老故園斜陽一千里依約是蕪門  
京居感興 丁卯正月賦時領將作屬

為問長安客何人識要津長持一馬筮浪走六街塵  
城闕烟中曉關河雪後春故園桃李在樽酒願相親  
玉津晚歸馬上 丁卯清明京師賦

落日南城陌東風禁火時醉醒皆自得單袷正相宜  
綠樹侵高閣繁花洒曲池未應判節物可奈故園思  
西城有懷舊遊 丁卯七月余以將作屬日至  
瓊林金明督察營繕偶懷陳迹惘然因賦是詩

西郭天泉里依依得舊遊綺羅紅芟曉絲管萬蟬秋

柳礙鞦韆陌萍沈被襖舟華年勿復道誰為駐東流  
苦竹村南馬上 戊辰四月晦日歷陽賦

楚澤薰風後林臯夕照間漁舩沿綠岸鳥道轉荒山  
久負孟中樂長偷馬上閑悠悠白門路何日杖藜還

題諸葛洪田家壁 地名諸葛亮洪在烏江北

八十里與江南石頭城相望戊辰九月賦

晚度孔明硤林間訪老農行衝落葉逕坐聽隔江鍾  
後舍燈猶織前溪水自春無多遊宦興卜隱幸相容

訓桂林從叔 戊辰十一月歷陽遣還使賦

江到三湘盡山圍八桂深龍蛇寒下蟄霧露晝多陰  
迢遞馳梅信殷勤訪竹林淮南風土美留滯亦何心

寄金陵倉官趙令翬通直 趙諸王孫戊辰十

二月歷陽賦

歲律倏云莫玉孫興可堪羨雲歸日下隨鴈滯江南  
卑濕求長健登臨賴半酣西州眼中近早晚寄華緘

懷寄潘孝本兼簡其子言 潘字景仁時遊宦

嶺外已巳正月歷陽賦

春色先梅嶺秋聲後桂林溪通五羊陰雲近九疑陰  
無雁難逢信有猿能伴吟一樽燒酒美應對阿戎悲

送張商老西上 張名夢臣吳郡人已巳九月

歷陽賦

霧氣歛陂澤鼓聲催客帆蕪葭靡宿霏鶴鶴盤朝陽  
行役自茲遠離愁安可忘黃華一樽酒何處望吾鄉

題烏江東隆山鄧氏亭 己巳九月賦

逋客今何許空餘接隱亭舟隨潮水上門背夕陽扁  
兔策塵生蠹漁簑雨化螢題詩巖下石聊代草堂靈

登烏江柏子岡懷潘景仁 己巳十月賦

驅車柏子岡引首東南望孤戍帶寒日長江流大荒  
故人越五嶺旅雁留三湘好待春風暖相隨還北鄉

宿黃葉嶺田家 己巳十一月烏江縣賦

聚落荒山裏畬田歲不登半衣障隙雪鼠穴見鄰燈  
愁信魚難暝寒凝酒亦冰悵然歌白石推枕待晨興

遊六合定山真如寺 達磨第一道場 己巳十

二月賦

隻履西歸遠何年以布金地寒蒼檜老歲晏白雲陰  
燒隔溪冰斷樵穿徑雪深祖心無處問俗駕晚駸

同道通師之香林馬上 庚午正月歷陽賦通  
喜為詩從吾遊甚久

冰霜節候遲淮楚早春時白草風頭急黃雲日脚垂  
烏聲投古戍馬力倦長陂吾有官箴畏勞生爾浪為

題烏江丘氏昆仲歲寒亭 植柏亭下故命是  
名庚午正月賦

新甫移根遠蒼然對兩翁開門三尺雪仰枕一亭風  
東郭顏何厚西來意莫窮未應輸狹少釀酒待春叢  
送左禹赴江夏尉 左字塗叟庚午四月烏江賦

沉：青翰舟亭：黃鶴樓江山信清灑人物想風流  
美酒遣歸思新詩題舊遊有魚知不食端作置書郵  
高望道中 庚午五月烏江賦

積雨漲陂塘田塍插晚秧遠山宜薄莫高燕弄微涼  
馬車非吾願魚飧厭此鄉歸期知近在猶待菊華黃  
湯泉道中 庚午七月烏江賦

青石岡西下靈泉產藥苗山英如有待木客可相招  
蟬帶風移樹塵隨馬度橋颺鞭吟舊句歸路不知遙  
留別王掾元胥 庚午十二月歷陽賦

之子貫東牟青衫試宦遊顛非小賀比夷自阿戎流  
未即芸香拜俄先瓜戍秋孤蓬別夜思霜月滿滄洲  
檣舟當利口待風累日懷寄城中朋遊二首

庚午十二月歷陽賦

一葉寄津口怒濤安可乘朝風占酒旆夜囊乞漁燈  
牛渚逢新月秦淮想結冰故人佗夕夢歌吹滿金陵

離憂不可解，罷酒獨登臨。  
潮落江空闊，雲繁歲晏陰。  
愁鴟守漁罟，怒犬突神林。  
觸目增悽斷，聊為澤畔吟。

重別王掾 庚午十二月六日自歷陽當利口  
放舟至沙夾王元胥載酒旋訪別因留宿不寐  
重賦此詩以贈

別訪難遽了，不知寒夜長。  
回燈撒盂案，抱被宿船倉。  
載聽遠雞唱，稍分征雁行。  
臨風滿掬淚，吹落一衿霜。

投宿清涼寺 庚午十二月望日自秦淮亭信  
馬出石城門賦

建業衣冠集，秦淮舟楫屯。  
東西萬里客，朝暮雨潮渾。  
何處契心賞，片時清耳根。  
僕夫浪見問，但出石城門。

金陵懷寄歷陽王掾 庚午十二月賦

征虜亭邊踏望夫，山下舟長江不隔。  
夢明月，祇供愁。  
促席歌塵斷，閑窓醉墨留。  
惜芳橋畔柳，誰繫木蘭舟。

秦淮夜泊 辛未正月賦

官柳動春條，秦淮生暮潮。  
樓臺見新月，燈火上雙橋。  
隔岸聞朱箔，臨風弄紫簫。  
誰憐遠遊子，心旆正搖搖。

鍾山法雲彥上人留中飡罷遊草堂寺 寺即  
周顒故居 辛未正月金陵賦

弭楫秦淮尾，登臨殊興迴。  
難銷蔬飯飽，更過草堂來。

日轉崑扉暝風披蕙帳開吾非海鹽令猿鳥莫相猜  
訓別法雲彥上人 辛未正月金陵賦

將別雁門師殷勤訪所之江湖懷北闕鷗鳥戀南枝  
朝隱非吾所山英不汝欺明年冬下約春水漾蘋時  
易官後呈交舊 辛未九月京師賦

當年筆漫頭說劍氣橫秋自負虎頭相誰封龍額侯  
聊辭噲等伍濫作詩家流少待高常侍功名晚歲收  
辛未興龍節日懷歷陽王掾元胥 昨歲是日  
余解舟渡江以詩京師賦

昨歲東溪口扁舟欲下江伴愁燈映慢欺睡月侵窻  
漫寄書連紙誰同酒一缸何當見之子聊使我心降  
廣津門東馬上 壬申二月京師賦

津頭落帆鼓薄暮尚蓬蓼疑是秦淮口扁舟醉夢中  
不堪隋岸北塵土一鞭風傳語端能否伯勞飛自東  
久病寄二三親友 壬申八月京師賦

早昧攝生理百勞戕至真藥靈翻佐病詩癖竟窮人  
終負黃壚恨長違白首親一囊安可得四壁未應貧  
燈下塵編淚風前墓草春儻忘雞酒設腹痛勿多嗔  
秋夜聞雨晨興偶書 癸酉八月京師賦時欲

扶疾東下

故國心馳北扁舟計漫東寒生一夜雨病涉兩秋風  
落泊籬根葉幽憂屋角虫何情悲節物聊自况衰翁  
謝米雍丘元章見過 米名芾癸酉八月京師賦  
今古兩妙令雍丘與太丘當時號清白後日想風流  
吏軒庭陰午農歌野色秋吾非荀氏老愧爾德星留  
留別米雍丘二首 米辨博有才具著山林集  
數十卷為人知者特水滄書學而已清狂多忤  
嘗上章援余祠史之請不報輒已因以激之癸  
酉十月雍丘賦

明缸通夜語累塊寫胸中水癖推劉令書名浼魯公  
忘猜悲廩鼠逐熱賤雲鴻不乏佳山水東南著兩翁  
好住楚公子山林何處逢官身須自乞俗眼可相容  
叔夜嬾猶鍛伯鸞慵且春多慙方祿隱爾汝傲吳儂  
寶應野泊 癸酉十二月賦

伏枕漳濱後維舟楚澤邊筋骸非壯日節物迫窮年  
夜雨侵牀漏晨炊溼臯烟芳生我其分十口亦飄然  
題甘露寺淨名齋兼寄米元章 米舊嘗居此  
齋甲戌九月晦京口賦

日出天垠露江橫地軸分馳幸悲落木羈思託孫雲  
重掃淨名室長招漫仕君悠悠德璋輩未辦勒移文



龜山晚泊 乙亥二月賦

春候半寒溫維舟淮上村長林補山蹕青草際潮痕  
久歇浮家後重招去國魂禪房欲舒寫烟雨促黃昏

歲暮舟居卧病懷寄金陵和上人 乙亥十二  
月盱眙淮上賦

野泊歲云暮念歸期正賒津童為過客商舶是隣家  
雪霰魚依霖潮迴蚌委沙南州人健否不寄早梅華  
寓泊臨淮有懷杜修撰 丙子二月賦杜公名  
絃去歲揔漕於此屢開燕寶訓堂

幕卷歌鬟列堂深蜜炬然臨風鳴羯鼓待月戲鞦韆  
短韻吟牋出長簷醉帽偏斯人違薄俗何減孟公賢  
舟發金陵望歷陽作 丙子四月賦

尚識歷陽道依然西照間風烟石磧成林麓楚王山  
隔水一凝佇當年百往還誰怜躍馬客哀病再投閑  
江行寫望 丙子四月當塗道中賦

斜照侵疎箔微涼逗小窻青蒲故依渚白鳥屢橫江  
遺興詩三百煎愁鱗一雙前舟定未遠疊鼓聽逢  
郎官湖 按李白詩序云乾元歲流夜郎遇故  
人尚書郎張謂使夏口沔州杜太守漢陽王令  
觸于江城之南湖張公四望超然請白標之嘉

名白因號之即官湖席上文士輔翼岑請以為  
知言今所謂即官湖者占郡城之北東于兩山  
間縱廣百許步固不足四望而超然也已知其  
非是且郡南瀨江之人持南唐時地券尚指即  
官湖為隣蓋湖為江水所并而去城里餘猶有  
洲渚隱然未泯乃湖之故防也余丙子五月舟  
次潯陽求訪遺老始得其詳因賦以詩志之

當年賢守令載酒沔南遊涼月呈新霽明湖涵素秋  
郎官夏口使仙客夜即因促膝青螭舫連觴紫綺裘  
高驪隨雨散餘躡想風流芳草失青履滄波浮白鷗  
江吞百頃盡石刻一篇留宜有沈碑者前懷陵谷憂  
題寶泉官舍壁 寶泉監在夏郡城東三里黃  
鵠山之陰丙子八月到官後賦

偶著強名字非才但鑄金不妨稱外監况復住山陰  
勝日聊披卷清風故解衿餘生偷祿隱何等是升沈  
江夏寓興二首 前篇丙子十二月賦後篇丁  
丑五月賦

風與檣鳥使儂先塞雁來山經七澤斷潮自九江回  
漁父猶知隱騷人枉銜才朋遊正相遠梅信為誰開  
陂湖盛坊市江漢復縱橫沮洳莎城陌晴陽竹瓦鳴

新文添鵬賦異味識龜羹豈復悲流落官糧寓此生  
九月十日寄潘邠老 丁丑江夏賦潘嘗許中  
秋重九渡江見過竟不至因以請之

明日昔如許懷人殊可來徒歌桃李曲又負菊華開  
尺紙緘愁去扁舟載夢迴它年雞黍約千里信悠哉  
送蒲圻陳主簿彥昇歸越陳字登之丁丑十月

江夏賦

好在稽山北因君訪故園風流久衰歇湖水自清渾  
可得千秋現相傳百代孫時聞祖 客不減漢東門  
送金壇慎令璪 戊寅三月江夏賦慎字獻玉  
年少寡欲奉佛甚嚴

清素復多聞天涯晚得君相延蒲塞饌細演貝多文  
世味淡如水身謀散勝雲謾為花縣約聊尉此臨分  
寄題盱眙杜子師東山草堂 丙子二月臨淮  
賦偶亡之庚辰十月再道臨淮復得於子師因  
附卷末

東山與物遠松竹蔭茅茨信有冥鴻志難藏霧豹姿  
會招安石起何患德璋移後日崑扉下遊人想復慕

慶湖遺老詩集卷第五

虞世南

卷五

廿

虞世南集卷五

虞世南

卷五